

四庫全書

子部

欽定四庫全書

子部

傷寒論注釋卷一

詳校官太醫院八品吏目臣黃發

編修臣倉聖脈覆勘

總校官編修臣王燕緒

校對官主事臣陳文樞

謄錄監生臣汪志伊

欽定四庫全書

子部五

傷寒論注釋

醫家類

提要

臣等謹案傷寒論注釋十卷附傷寒明理論  
三卷論方一卷傷寒論十卷漢張機撰晉王  
叔和編金成無已注明理論三卷論方一卷  
則無已所自撰以發明機說者也機字仲景  
南陽人嘗舉孝廉建安中官長沙太守叔和

高平人官太醫令無已耶攝人生于宋嘉祐  
治平間後耶攝地入于金遂為金人至海陵  
王正隆丙子年九十餘尚存見開禧元年歷  
陽張孝忠跋吳勉學刻此書題曰宋人誤也  
傷寒論前有宋高保衡孫奇林億等校上序  
稱開寶中節度使高繼沖曾編錄進上其文  
理舛錯未能考正國家詔儒臣校正醫書令  
先校定傷寒論十卷總二十二篇合三百九

十七法除重複定有一百一十三方

案一十三原本

誤作一十  
二今改正

今請頒行又稱自仲景于今八百

餘年惟王叔和能學之云云而明方有執作  
傷寒論條辨則詆叔和所編與無已所注多  
所改易竄亂併以序例一篇為叔和偽托而  
刪之

國朝喻昌作尚論篇于叔和編次之舛序例之  
繆及無已所注林億等所校之失攻擊尤詳

皆重為考定更其錯簡自謂復長沙之舊本  
其書盛行于世而王氏成氏之書遂微然叔  
和為一代名醫又去古未遠其學當有所受  
無已于斯一帙研究終身亦必深有所得似  
未可驟從屏斥盡以為非夫朱子改大學為  
一經十傳分中庸為三十三章于學者不為  
無裨必以為孔門之舊本如是則終無確證  
可憑也今大學中庸列朱子之本于學官亦

列鄭元之本于學官原不偏廢又烏可以後  
人重定此書遂廢王氏成氏之本乎無已所  
作明理論凡五十篇論方一卷凡二十方於  
君臣佐使之義闡發尤明嚴器之序稱無已  
撰述傷寒義皆前人未經道者指在定體分  
形析證若同而異者明之似是而非者辨之  
釋戰慄有內外之診論煩燥有陰陽之別讖  
語鄭聲令虛實之灼知四逆與厥使淺深之

類明云云其推挹甚重張孝忠跋亦稱無已  
此二集自北而南先以紹熙庚戌得傷寒論  
注十卷于醫士王光廷家後守荊門又于襄  
陽訪得明理論方四卷因為刊板于郴山則  
在當時固已深重其書矣乾隆四十六年九  
月恭校上

總纂官臣紀昀臣陸錫熊臣孫士毅

總校官臣陸費墀



傷寒論注釋序

夫傷寒論蓋祖述大聖人之意諸家莫其論擬故晉皇甫謐序甲乙鍼經云伊尹以元聖之才撰用神農本草以為湯液漢張仲景論廣湯液為十數卷用之多驗近世太醫令王叔和撰次仲景遺論甚精皆可施用是仲景本伊尹之法伊尹本神農之經得不謂祖述大聖人之意乎張仲景漢書無傳見名醫錄云南陽人名機仲景乃其字也舉考廉官至長沙太守始受術於同郡張

伯祖時人言識用精微過其師所著論其言精而奧其  
法簡而詳非淺聞寡見者所能及自仲景于今八百餘  
年惟王叔和能學之其間如葛洪陶景胡洽徐之才孫  
思邈輩非不才也但各自名家而不能修明之開寶中  
節度使高繼沖曾編錄進上其文理舛錯未嘗考正歷  
代雖藏之書府亦闕於讐校是使治病之流舉天下無  
或知者國家詔儒臣校正醫書臣竒續被其選以為百  
病之急無急於傷寒今先校定張仲景傷寒論十卷總

二十二篇證外合三百九十七法除複重定有一百一十二方金請頒行太子右贊善大夫臣高保衡尚書屯田員外郎臣孫奇尚書司封郎中秘閣校理臣林億等謹上注解傷寒論序



傷寒論注釋序

夫前聖有作後必有繼而述之者則其教乃得著于世  
矣醫之道源自炎黃以至神之妙始興經方繼而伊尹  
以元聖之才撰成湯液俾黎庶之疾疢咸遂蠲除使萬  
代之生靈普蒙拯濟後漢張仲景又廣湯液為傷寒卒  
病論十數卷然後醫方大備茲先聖後聖若合符節至  
晉大醫令王叔和以仲景之書撰次成叙得為完帙昔  
人以仲景方一部為衆方之祖蓋能繼述先聖之所作

迄今千有餘年不墜於地者又得王氏闡明之力也傷寒論十卷其言精而奧其法簡而詳非寡聞淺見所能賾究後雖有學者又各自名家未見發明僕忝醫業自幼徂老鮑味仲景之書五十餘年矣雖粗得其門而近升乎堂然未入於室常為之慊然昨者邂逅聊攝成公議論該博術業精通而有家學注成傷寒十卷出以示僕其三百九十七法之內分析異同彰明隱奧調陳脉理區別陰陽使表裏以昭然俾汗下而灼見百一十二

方之後通明名號之由彰顯藥性之主十劑輕重之攸  
分七精制用之斯見別氣味之所宜明補瀉之所適又  
皆引內經旁牽衆說方法之辨莫不允當實前賢所未  
言後學所未識是得仲景之深意者也昔所謂慊然者  
今悉達其奧矣親覲其書誠難默然不揆荒蕪聊序其  
略時甲子中秋日洛陽嚴器之序





欽定四庫全書

傷寒論注釋卷一

金成無己注

辨脉法第一

問曰脉有陰陽者何謂也答曰凡脉大浮數動滑此名陽也脉沈瀋弱弦微此名陰也凡陰病見陽脉者生陽

病見陰脉者死

內經曰微妙在脉不可不察察之有紀從陰陽始始之有經從五行生茲首論

脉之陰陽者以脉從陰陽始故也陽脉有五陰脉有五以脉從五行生故也陽道常饒大浮數動滑五者比之

平脉也有餘故謂之陽陰道常乏沈瀟弱弦微五者比之平脉也不及故謂之陰傷寒之為病邪在表則見陽脉邪在裏則見陰脉陰病見陽脉而主生者則邪氣自裏之表欲汗而解也如厥陰中風脉微浮為欲愈不浮為未愈者是也陽病見陰脉而主死者則邪氣自表入裏正虛邪勝如譏言妄語脉沈細者死是也金匱要畧曰諸病在外者可治入問曰脉有陽結陰結者何以別裏者即死此之謂也

之答曰其脉浮而數能食不大便者此為實名曰陽結也期十七日當劇其脉沈而遲不能食身體重大便反

鞭名曰陰結也期十四日當劇

結者氣偏結固陰陽之氣不得而雜之陰中有

陽陽中有陰陰陽相雜以為和不相雜以為結浮數陽脉也能食而不大便裏實也為陽氣結固陰不得而雜

之是名陽結沈遲陰脉也不能食身體重陰病也陰病見陰脉則常下利今大便秘者為陰氣結固陽不得而雜之是名陰結論其數者傷寒之病一日太陽二日陽明三日少陽四日太陰五日少陰六日厥陰至六日為傳經盡七日當愈七日不愈者謂之再經言再經者再自太陽而傳至十二日再至厥陰為傳經盡十三日當愈十三日不愈者謂之過經言再過太陽之經亦以次而傳之也陽結為火至十七日傳少陰水水能制火火邪解散則愈陰結屬水至十四日傳陽明土土能制水水邪解散則愈彼邪氣結甚水又不能制火土又不能制水故當劇內經曰一候後則病問曰病有灑淅惡寒二候後則病甚三候後則病危也而復發熱者何答曰陰脉不足陽往從之陽脉不足陰往乘之曰何謂陽不足答曰假令寸口脉微名曰陽不

足陰氣上入陽中則灑淅惡寒也曰何謂陰不足答曰

假令尺脉弱名曰陰不足陽氣下陷入陰中則發熱也

一陰一陽謂之道偏陰偏陽謂之疾陰偏不足則陽得而從之陽偏不足則陰得而乘之陽不足則陰氣上入

陽中為惡寒者陰勝則寒矣陰不足陽氣下陷入陰中為發熱者陽勝則熱矣陽脉浮陰脉弱

者則血虛血虛則筋急也

陽為氣陰為血陽脉浮者衛氣強也陰脉弱者榮血弱也

難經曰氣主响之血主濡之血虛則不能濡潤筋絡故筋急也

其脉沈者榮氣微也

內經

云脉者血之府也脉實則血實脉虛則血虛此其常也脉沈者知榮血內微也其脉浮而汗出

如流珠者衛氣衰也

鍼經云衛氣者所以溫分肉充皮毛肥腠理司開闔者也脉浮汗出

如流珠者腠理不密開闔不司為衛氣外衰也浮主候  
衛沈主候榮以浮沈別榮衛之衰微理固然矣然而衰  
甚於微所以於榮言微而衛言衰者以其汗榮氣微者  
出如流珠為陽氣外脫所以衛病甚於榮也

加燒鍼則血流不行更發熱而躁煩也

衛陽也榮陰也  
燒針益陽而損

陰榮氣微者謂陰虛也內經曰陰虛生內熱方其內熱  
又加燒針以補陽不惟兩熱相合而榮血不行必更外  
發熱而內躁煩也 脉藹藹如車蓋者名曰陽結也

藹藹如車蓋  
者大而厭厭

聶聶也為陽氣鬱結於  
外不與陰氣和雜也

脉累累如循長竿者名曰陰

結也

累累如循長竿者連連而強直也為  
陰氣鬱結於內不與陽氣和雜也

脉腎腎如羹

上肥者陽氣微也

輕浮而主微也 脉縈縈如蜘蛛絲者陽氣衰

也

也。縈滯也。若縈滯惹惹之不利也。如蜘蛛絲者。至細也。微為陽微細為陽衰。脉要曰微為氣。痞是未至於

裏。內經曰細則氣少。脉綿綿如瀉漆之絕者。亡其血也。以至細為陽衰宜矣。

綿綿者連綿而軟也。如瀉漆之絕者。前大而後細也。正理論曰。天樞開發精移氣。變陰陽。交會胃和脉。生脉復

生也。陽氣先至陰氣後至。則脉前為陽氣。後為陰氣。脉來前大後細為陽氣有餘而陰氣不足。是知亡血脉

來緩時一止復來者。名曰結脉。來數時一止復來者。名

曰促脉。陽盛則促。陰盛則結。此皆病脉。

脉一息四至曰平。一息三至曰

遲。小駛於遲曰緩。一息六至曰數。時有一止者。陰陽之

氣不得相續也。陽行也。連陰行也。緩緩以候。陰若陰氣

勝而陽不能相續。則脉來緩而時一止。數以候。陽若陽

氣勝而陰不能相續。則脉來數而時一止。傷寒有結代

之脉動而中止不能自還為死脉此結促之脉止是陰  
陰陽偏勝而時有一止即非脫絕而止云此皆病脉

陽相搏名曰動陽動則汗出陰動則發熱形冷惡寒者

此三焦傷也

動為陰陽相搏方其陰陽相搏而虛者則動陽動為陽虛故汗出陰動為陰虛故發

熱也如不汗出發熱而反形冷惡寒者三焦傷也三焦  
者原氣之別使主行氣於陽三焦既傷則陽氣不通而  
微致身冷而惡寒也金匱要畧曰陽氣不通即身冷經曰陽微則惡寒

若數脉見於關上

上下無頭尾如豆大厥厥動搖者名曰動也

脉經云陽出陰入以

關為界關為陰陽之中也若數脉見於關上上下下無頭尾  
如豆大厥厥動搖者是陰陽之氣相搏也故名曰動

陽脉浮大而濡陰脉浮大而濡陰脉與陽脉同等者名

曰緩也

陽脉寸口也陰脉尺中也上下同等無有偏勝者是陰陽之氣和緩也非若遲緩之有邪也陰

陽偏勝者為結為促陰陽相搏者為動陰陽氣和者為緩學者不可不知也

脉浮而緊者名

曰弦也弦者狀如弓弦按之不移也脉緊者如轉索無

常也

脉經云弦與緊相類以弦為虛故雖緊而弦而按之不移不移則不足也經曰弦則為減以緊為實

是切之如轉索無常而不散金匱要畧曰脉緊如轉索無常者有宿食也脉弦而大弦則為

減大則為亢減則為寒亢則為虛寒虛相搏此名為革

婦人則半產漏下男子則亡血失精

弦則為減減則為寒寒者謂陽氣少

也大則為亢亢則為虛虛者謂血少不足也所謂革者言其既寒且虛則氣血改革不循常度男子得之為真



陽減而不能內固故主亡血失精婦人得問曰病有戰之為陰血虛而不能滋養故主半產漏下

而汗出因得解者何也答曰脉浮而緊按之反孔此為

本虛故當戰而汗出也其人本虛是以發戰以脉浮故

當汗出而解也

浮為陽緊為陰孔為虛陰陽爭則戰邪氣將出邪與正爭其人本虛是以發戰

正氣勝則戰戰已復發熱而大汗解也

若脉浮而數按之不孔此人本不

虛若欲自解但汗出耳不發戰也

浮數陽也本實陽勝邪不能與正爭故不

發戰也問曰病有不戰而汗出解者何也答曰脉大而浮

數故知不戰汗出而解也

陽勝則熱陰勝則寒陰陽爭則戰脉大而浮數皆陽也陽

氣全勝陰無所  
爭何戰之有

問曰病有不戰不汗出而解者何也答

曰其脉自微此以曾經發汗若吐若下若亡血以內無

津液此陰陽自和必自愈故不戰不汗出而解也

脉微者邪

氣微也邪氣已微正氣又弱脉所以微既經發汗吐下亡陽亡血內無津液則不能作汗得陰陽氣和而自愈

也問曰傷寒三日脉浮數而微病人身涼和者何也答

曰此為欲解也解以夜半脉浮而解者濺然汗出也脉

數而解者必能食也脉微而解者必大汗出也

傷寒三日陽去

入陰之時病人身熱脉浮數而大邪氣傳也若身涼和脉浮數而微者則邪氣不傳而欲解也解以夜半者陽

生於子也脉浮主瀝然汗出而解者邪從外散也脉數主能食而解者胃氣和也脉微主大汗出而解者邪氣微也問曰脉病欲知愈未愈者何以別之答曰寸口關上

尺中三處大小浮沈遲數同等雖有寒熱不解者此脉

陰陽為和平雖劇當愈

三部脉均等即正氣已和雖有餘邪何害之有

立夏得

洪大脉是其本位其人病身體苦疼重者須發其汗若

明日身不疼不重者不須發汗若汗瀝瀝自出者明日

便解矣何以言之立夏得洪大脉是其時脉故使然也

四時倣此

脉來應時為正氣內固雖外感邪氣但微自汗出而亦解爾內經曰脉得四時之順者病

他無問曰凡病欲知何時得何時愈答曰假令夜半得病

明日日中愈日中得病夜半愈何以言之日中得病夜半

愈者以陽得陰則解也夜半得病明日日中愈者以陰

得陽則解也

日中得病者陽受之夜半得病者陰受之陽不和得陰則和是解以夜半陰不和得

陽則和是解以日中經曰用陽和陰用陰和陽

寸口脉浮為在表沈為在裏數

為在府遲為在藏假令脉遲此為在藏也

經曰諸陽浮數為乘府諸

陰遲濇為乘藏

跌陽脉浮而濇少陰脉如經也其病在脾法當

下利何以知之若脉浮大者氣實血虛也今跌陽脉浮

而濇故知脾氣不足胃氣虛也以少陰脉弦而浮纔見

此為調脉故稱如經也若反滑而數者故知當屎膿也

跌陽者胃之脉診得浮而濇者脾胃不足也浮者以為氣實濇者以為血虛者此非也經曰脉浮而大浮為氣實大為血虛若脉浮大當為氣實血虛今跌陽脉浮而濇浮則胃虛濇則脾寒脾胃虛寒則穀不消而水不別法當下利少陰腎脉也腎為肺之子為肝之母浮為肺脉弦為肝脉少陰脉弦而浮為子母相生故云調脉若滑而數者則客熱在下焦使寸口脉浮而緊浮則為風血流膚而為膿故屎膿也

緊則為寒風則傷衛寒則傷榮榮衛俱病骨節煩疼當

發其汗也

脉經云風傷陽寒傷陰衛為陽榮為陰風為陽寒為陰各從其類而傷也易曰水流濕火

就燥者是矣衛得風則熱榮得寒則痛榮衛俱病故致骨節煩疼當與麻黃湯發汗則愈跌陽脉遲而緩胃氣如經也跌陽脉浮而數浮則傷胃數則動脾此非本病醫特下之所為也榮衛內陷其數先微脉反但浮其人必大便鞭氣噫而除何以言之本以數脉動脾其數先微故知脾氣不治大便鞭氣噫而除今脉反浮其數改微邪氣獨留心中則饑邪熱不殺穀潮熱發渴數脉當遲緩脉因前後度數如法病者則饑數脉不時則生惡瘡也

經常也跌陽之脉以候脾胃故遲緩之脉為常若脉浮數則為醫妄下傷胃動

脾邪氣乘虛內陷也邪在表則見陽脉邪在裏則見陰脉邪在表之時脉浮而數也因下裏虛榮衛內陷邪客於脾以數則動脾今數先微則是脾邪先陷於裏也胃虛脾熱津液乾少大便必難鍼經曰脾病善噫得後出餘氣則快然而衰今脾客邪熱故氣噫而除脾能磨消水穀今邪氣獨留於脾脾氣不治心中雖飢而不能殺穀也脾主為胃行其津液脾為熱燥故潮熱而發渴也跌陽之脉本遲而緩因下之後變浮為數榮衛內陷數復改微是脉因前後度數如法邪熱內陷於脾而心中善飢也數脉不時者為數當改微而復不微如此則是邪氣不傳於裏但鬱於榮衛師曰病人脉微而濇者此之中必出自肌皮為惡瘡也

為醫所病也大發其汗又數大下之其人亡血病當惡寒後乃發熱無休止時夏月盛熱欲著複衣冬月盛寒

欲裸其身所以然者陽微則惡寒陰弱則發熱此醫發其汗令陽氣微又大下之令陰氣弱五月之時陽氣在表胃中虛冷以陽氣內微不能勝冷故欲着複衣十一月之時陽氣在裏胃中煩熱以陰氣內弱不能勝熱故欲裸其身又陰脉遲濇故知血亡也

微為亡陽濇則無血不當汗而強與

汗之者令陽氣微陰氣上入陽中則惡寒故曰陽微則惡寒不當下而強與下之者令陰氣弱陽氣下陷入陰中則發熱故曰陰弱則發熱氣為陽血為陰陽脉以候氣陰脉以候血陰脉遲濇為榮血不足故知亡血經曰尺脉遲者不可發汗以脉浮而大心下反鞭有熱屬藏榮氣不足血少故也



者攻之不令發汗

浮大之脈當責邪在表若心下反鞅者則熱已甚而內結也有熱屬藏者

為別無虛寒而但見裏熱也藏屬陰為悉在裏故可下之攻之謂下之也不可謂脈浮大更與發汗病源曰熱

毒氣乘心心下痞滿此為有實宜速下之屬府者不令溲數溲數則大便鞅

汗多則熱愈汗少則便難脈遲尚未可攻

雖心下鞅若餘無裏證但

見表證者為病在陽謂之屬府當在解表然後攻痞溲小便也勿為飲結而利小便使其溲數大便必鞅也經曰小便數者大便必鞅謂走其津液也汗多則邪氣除而熱愈汗少則邪熱不盡又走其津液必便難也鞅家當下設脈遲則未可攻以遲脈浮而洪身汗如油喘而為不足即裏氣未實故也

不休水漿不下體形不仁乍靜乍亂此為命絕也

病有不可

治者為邪氣勝於正氣也。內經曰：大則邪至，又曰：大則病進，脉浮而洪者，邪氣勝也。身汗如油，喘而不休者，正氣脫也。四時以胃氣為本，水漿不下者，胃氣盡也。一身以榮衛為充，形體不仁者，榮衛絕也。不仁為痛痺，俱不知也。針經曰：榮衛不行，故為不仁。爭則亂，安則靜。乍亂者，正與邪爭，正負邪勝也。正氣已脫，胃氣又盡，榮衛俱絕，邪氣獨勝。故曰：命絕也。又未知何藏先受其災，若汗出髮潤，喘

不休者，為肺先絕也。

肺為氣之主，為津液之帥。汗出髮潤者，津脫也。喘不休者，氣脫也。

陽反獨留，形體如煙熏，直視搖頭者，此心絕也。

肺主氣，心主血。

氣為陽，血為陰。陽反獨留者，則為身體大熱，是血先絕。而氣獨在也。形體如煙熏者，為身無精華，是血絕不榮於身也。心脉使咽，系目直視者，心經絕也。唇吻反青，四頭為諸陽之會，搖頭者，陰絕而陽無根也。

唇吻反青四

肢繫習者此為肝絕也

唇吻者脾之候肝色青肝絕則真色見於所勝之部也四肢者

脾所主肝主筋肝絕則筋脉引急發於所勝之部也分也繫習者為振動若搖擗手足時時引縮也環口鰲

黑柔汗發黃者此為脾絕也

脾主口脣絕則精華去故環口鰲黑柔為陰柔汗冷

汗也脾胃為津液之本陽氣之宗柔汗發黃者脾絕而陽脫真色見也

洩便遺失狂言目

反直視者此為腎絕也

腎司開闔禁固便溺洩便遺失者腎絕不能約制也腎藏志狂

言者志不守也內經曰狂言者是失志矣失志者死鍼經曰五藏之精氣皆上注於目骨之精為瞳子目反直視者腎絕則骨之精不榮又未知何藏陰陽前絕若陽於瞳子而瞳子不轉也

氣前絕陰氣後竭者其人死身色必青陰氣前絕陽氣

後竭者其人死身色必赤腋下溫心下熱也

陽主熱而色赤陰主

寒而色青其人死也身色青則陰未離乎體故曰陰氣後竭身色赤腋下溫心下熱則陽未離乎體故曰陽氣後竭鍼經曰人有兩死而無兩生此之謂也

寸口脉浮大而醫反下之此為

大逆浮則無血大則為寒寒氣相搏則為腸鳴醫乃不

知而反飲冷水令汗大出水得寒氣冷必相搏其人即

餒

經云脉浮大應發汗若反下之為大逆浮大之脉邪在表也當發其汗若反下之是攻其正氣邪氣得以

深入故為大逆浮則無血者下後亡血也大則為寒者邪氣獨在也寒邪因裏虛而入寒氣相搏乃為腸鳴醫見脉大以為有熱飲以冷水欲令水寒勝熱而作大汗裏先虛寒又得冷水水寒相搏使中焦之氣澇滯故令

也。餉，跌陽脉浮浮則為虛浮，虛相搏故令氣餉。言胃氣虛

竭也。脉滑則為噦，此為醫咎。責虛取實，守空迫血，脉浮

鼻中燥者必衄也。

跌陽脉浮為餉，脉滑為噦，皆醫之咎。責虛取實之過也。內經曰：陰在內，陽

之守也。陽在外，陰之使也。發汗攻陽，亡津液而陽氣不足者，謂之守空。經曰：表氣微虛，裏氣不守，故使邪中於陰也。陽不為陰守，邪氣因得而入之內，搏陰血，陰失所守，血乃妄行，未知從何道而出。若脉浮鼻燥者，知血必從鼻中出也。諸脉浮數，當發熱而灑淅惡寒。若有痛處，飲食

如常者，畜積有膿也。

浮數之脉，主邪在經，當發熱而洒淅惡寒。病人一身盡痛，不欲飲食。

者，傷寒也。若雖發熱惡寒而痛偏著一處，飲食如常者，即非傷寒。是邪氣鬱結於經絡之間，血氣壅遏不通，欲

畜聚而成  
癰膿也

脉浮而遲面熱赤而戰惕者六七日當汗出

而解反發熱者差遲遲為無陽不能作汗其身必痒也

脉浮面熱赤者邪氣外浮於表也脉遲戰惕者本氣不足也六七日為邪傳經盡當汗出而解之時若當汗不汗反發熱者為裏虛津液不多不能作汗既不汗邪無從出是以差遲發熱為邪氣浮於皮膚必作身痒也經曰以其不能得小汗寸口脉陰陽俱緊者法當清邪中於出故其身必痒也

上焦濁邪中於下焦清邪中上名曰潔也濁邪中下名

曰渾也陰中於邪必內慄也表氣微虛裏氣不守故使

邪中於陰也陽中於邪必發熱頭痛項強頸攣腰痛脛

酸所為陽中霧露之氣故曰清邪中上濁邪中下陰氣  
為慄足膝逆冷便溺妄出表氣微虛裏氣微急三焦相  
溷內外不通上焦怫鬱藏氣相熏口爛食斷也中焦不  
治胃氣上衝脾氣不轉胃中為濁榮衛不通血凝不流  
若衛氣前通者小便赤黃與熱相搏因熱作使遊於經  
絡出入藏府熱氣所過則為癰膿若陰氣前通者陽氣  
厥微陰無所使客氣內入噦而出之聲嗝咽塞寒厥相  
逐為熱所擁血凝自下狀如豚肝陰陽俱厥脾氣孤弱

五液注下下焦不闔清便下重令便數難臍築湫痛命

將難全

浮為陽沈為陰陽脉緊則寒邪中於下焦上焦者太陽下焦者

少陰也發熱頭痛項強頸攣腰痛脛酸者霧露之氣中於太陽之經也濁邪中下陰氣為慄足脛逆冷便溺妄出者寒邪中於少陰也因表氣微虛邪入而客之又裏氣不守邪乘裏弱遂中於陰陰虛遇邪內為懼慄致氣微急矣內經曰陽病者上行極而下陰病者下行極而上此上焦之邪甚則下于中焦下焦之邪甚則上于中焦由是三焦溷亂也三焦主持諸氣三焦既相溷亂則內外之氣俱不得通膈中為陽氣之海氣因不得通於內外拂鬱於上焦而為熱與藏相熏口爛食斷內經曰膈熱不便上為口糜中焦為上下二焦之邪溷亂則不得平治中焦在胃之中中焦失治胃氣因上衝也脾坤也坤助胃氣磨消水穀脾氣不轉則胃中水穀不得磨



消故胃中濁也金匱要畧曰穀氣不消胃中苦濁榮者水穀之精氣也衛者水穀之悍氣也氣不能布散致榮衛不通血凝不流衛氣者陽氣也榮血者陰氣也陽主為熱陰主為寒衛氣前通者陽氣先通而熱氣得行也內經曰膀胱者津液藏焉化則能出以小便赤黃知衛氣前通也熱氣與衛氣相搏而行出入藏府遊於經絡經絡客熱則血凝肉腐而為癰膿此見其熱氣得行若陰氣前通者則不然陽在外為陰之使因陽氣厥微陰無所使遂陰氣前通也內經曰陽氣者衛外而為固也陽氣厥微則不能衛外寒氣因而客之鼻者肺之候肺主聲寒氣內入者客於肺經則嚏而出之聲喑咽塞寒者外邪也厥者內邪也外內之邪合并相逐為熱則血凝不流今為熱所擁使血凝自下如豚肝也上焦陽氣厥下焦陰氣厥二氣俱厥不相順接則脾氣獨弱不能行化氣血滋養五藏致五藏俱虛而五液注下鍼經曰五藏不和使液溢而下流於陰闔合也清圓也下焦氣脫而

不合故數便而下重臍為生氣之原臍  
築湫痛則生氣欲絕故曰命將難全 脉陰陽俱緊者

口中氣出脣口乾燥踈卧足冷鼻中涕出舌上胎滑勿

妄治也到七日已來其人微發熱手足溫者此為欲解

或到八日已上反大發熱者此為難治設使惡寒者必

欲嘔也腹內痛者必欲利也

脉陰陽俱緊為表裏客寒寒為陰得陽則解口中氣

出脣口乾燥者陽氣漸復正氣方溫也雖溺然而陰未  
盡散踈卧足冷鼻中涕出舌上滑胎知陰猶在也方陰

陽未分之時不可妄治以偏陰陽之氣到七日已來其  
人微發熱手足溫者為陰氣已絕陽氣得復是為欲解

若過七日不解到八日已上反發大熱者為陰極變熱  
邪氣勝正故云難治陽脉緊者寒邪發於上焦上焦主

外也陰脉緊者寒邪發於下焦下焦主內也設使惡寒者上焦寒氣勝是必欲嘔也腹內痛者下焦寒氣勝是必欲利也脉陰陽俱緊至於吐利其脉獨不解緊去人安此

為欲解若脉遲至六七日不欲食此為晚發水停故也

為未解食自可者為欲解

脉陰陽俱緊為寒氣甚於上下至於吐利之後緊脉不罷

者為其脉獨不解緊去則人安為欲解若脉遲至六七日不欲食者為吐利後脾胃大虛內經曰飲入於胃遊

溢精氣上輸於脾胃氣散精上歸於肺通調水道下輸膀胱水精四布五經並行脾胃氣強則能輸散水飲

之氣若脾胃氣虛則水飲內停也所謂晚發者後來之疾也若至六七日而欲食者則脾胃已和寒邪已散故

云欲解病六七日手足三部脉皆至大煩而口噤不能言

其人躁擾者必欲解也

煩熱也傳經之時病人身大煩口噤不能言內作躁擾則陰陽

爭勝若手足三部脉皆至為正氣勝邪氣微陽氣復寒氣散必欲解也

若脉和其人大煩

目重臉內際黃者此為欲解也

脉經曰病人兩目皆有黃色起者其病方愈病

以脉為主若目黃大煩脉不和者邪勝也其病為脉浮進目黃大煩而脉和者為正氣已和故云欲解

而數浮為風數為虛風為熱虛為寒風虛相搏則灑淅

惡寒也

內經曰有者為實無者為虛氣并則無血血并則無氣風則傷衛數則無血浮數之脉風邪并

於衛衛勝則榮虛也衛為陽風搏於衛所以為熱榮脉為陰榮氣虛所以為寒風并於衛者發熱惡寒之證

浮而滑浮為陽滑為實陽實相搏其脉數疾衛氣失度

浮滑之脉數疾發熱汗出者此為不治

浮為邪氣并於衛而衛氣勝滑

為邪氣并於榮而榮氣實邪氣勝實擁於榮衛則榮衛行速故脉數疾一息六至曰數平人脉一息四至衛氣行六寸今一息六至則衛氣行九寸計過平人之半是脉數疾知衛氣失其常度也浮滑數疾之脉發熱汗出而當解若不解者精氣脫也必不可治

傷寒敘逆上氣

其脉散者死謂其形損故也

千金方云以喘嗽為欬逆上氣者肺病散者心脉是

心火刑於肺金也內經曰心之肺謂之死陰死陰之屬不過三日而死以形見其損傷故也

## 平脉法第二

問曰脉有三部陰陽相乘榮衛血氣在人體躬呼吸出

入上下於中因息遊布津液流通隨時動作效象形容  
春弦秋浮冬沈夏洪察色觀脉大小不同一時之間變  
無經常尺寸參差或短或長上下乖錯或存或亡病輒  
改易進退低昂心迷意惑動失紀綱願為具陳令得分  
明師曰子之所問道之根源脉有三部尺寸及關寸為上部

關為中部

榮衛流行不失衡銓

衡銓者稱也可以稱量輕重內經曰春應中規

夏應中矩

秋應中衡冬應中權榮行脉中衛行腎沈心

脉外榮衛與脉相隨上下應四時不失其常度  
洪肺浮肝弦此自經常不失銖分

腎北方水王於冬而脉沈心南方火王於夏

而脉洪肺西方金玉於秋而脉浮肝東方出入升降漏  
木王於春而脉弦此為經常錄分之不差也

刻周旋水下二刻一周循環

人身之脉計長一十六丈二尺一呼脉行三寸一吸

脉行三寸一呼一吸為一息脉行六寸一日一夜漏水  
下百刻人一萬三千五百息脉行八百一十丈五十度  
周於身則一刻之中人一百三十五息脉行八丈一尺  
水下二刻人二百七十息脉行一十六丈二尺一周於  
身也脉經之行終而復當復寸口虛實見焉

經脉之始從中焦注

于手太陰寸口二百七十息脉行一周身復還至於寸  
口寸口為脉之經始故以診視虛實焉經曰虛實死生  
之要皆見於變化相乘陰陽相干風則浮虛寒則牢堅  
寸口之中

沈潛水瀹支飲急弦動則為痛數則熱煩

風傷陽故脉浮虛寒傷陰

故脉牢堅畜攢於內者謂之水畜故脉沈潛支散於外者謂之支飲故脉急弦動則陰陽相搏相搏則痛生焉數為陽邪氣勝陽勝則熱煩焉設有不應知變所緣三部不同病各異

端脉與病不相應者必緣傳變之所致三部以候五藏之氣隨部察其虛實焉太過可怪不

及亦然邪不空見中必有姦審察表裏三焦別焉知其所含消息診看料度府藏獨見若神為子條記傳與賢

人太過不及之脉皆有邪氣干於正氣審看師曰呼吸在表在裏入府入藏隨其所舍而治之

者脉之頭也難經曰一呼脉行三寸一吸脉行三寸以脉隨呼吸而行故言脉之頭也初持

脉來疾去遲此出疾入遲名曰內虛外實也初持脉來



遲去疾此出遲入疾名曰內實外虛也

外為陽內為陰  
內經曰來者為

陽去者為陰是出以候外入以候內疾為有餘有餘則實遲為不足不足則虛來疾去遲者陽有餘而陰不足故曰內虛外實來遲去疾者陽問曰上工望而知之

工問而知之下工脉而知之願聞其說師曰病家人請

云病人苦發熱身體疼病人自卧師到診其脉沈而遲

者知其差也何以知之表有病者脉當浮大今脉反沈

遲故知愈也

望以觀其形證問以知其所苦脉以別其表裏病苦發熱身疼邪在表也當卧不安

而脉浮數今病人自卧而脉沈遲者表邪緩假令病人也是有裏脉而無表證則知表邪當愈也

云腹內卒痛病人自坐師到脉之浮而大者知其差也何以知之若裏有病者脉當沈而細今脉浮大故知愈

也腹痛者裏寒也痛甚則不能起而脉沈細今病人自坐而脉浮大者裏寒散也是有表脉而無裏證也則知裏邪當愈是望證問病切脉三者相參而得之可為十全之醫鍼經曰知一為上知二為神知三神且明矣

師曰病家人來請云病人發熱煩極明日師到病人向

壁卧此熱已去也設令脉不和處言已愈

發熱煩極則不能靜卧今

向壁靜卧知熱已去

設令向壁卧聞師到不驚起而盼視若三言

三止脉之嚙唾者此詐病也設令脉自和處言此病大

重當須服吐下藥鍼灸數十百處乃愈

詐病者非善人以言恐之使其

畏懼則愈醫者意也此其是歟

師持脉病人欠者無病也

鍼經曰陽引而上陰引而

下陰陽相引故病陰陽相引則和是欠者無病也

脉之呻者病也

呻為呻吟

之聲身有所苦則然也

言遲者風也

風客於中則經絡急舌強難運用也

搖頭言者

裏痛也

裏有病欲言則頭為之戰搖

行遲者表強也

表強者由筋絡引急而行步不

利坐而伏者短氣也

短氣者裏不和也故坐而喜伏

坐而下一脚者腰

痛也

內經曰腰者身之大關節也腰痛為大關節不利故坐不能正下一脚以緩腰中之痛也

裏實

護腹如懷卵物者心痛也

心痛則不能伸仰護腹以按其痛

師曰伏氣

之病以意候之今月之內欲有伏氣假令舊有伏氣當須脉之若脉微弱者當喉中痛似傷非喉痺也病人云

實咽中痛雖爾今復欲下利

冬時感寒伏藏於經中不即發者謂之伏氣至春分

之時伏寒欲發故云今月之內欲有伏氣假令伏氣已發當須脉之審在何經得脉微弱者知邪在少陰少陰之脉循喉嚨寒氣客之必發咽痛腎司開闔少陰治在下焦寒邪內甚則開闔不治下焦不約必成下利故云

雖尔咽痛問曰人病恐怖者其脉何狀師曰脉形如循復欲下利

絲繫累然其面白脫色也

內經曰血氣者人之神恐怖者血氣不足而神氣弱也脉

形似循絲繫累然面白脫色者鍼經曰血奪者問曰人色天然不澤其脉空虚是知恐怖為血氣不足

不飲其脉何類師曰脉自濇唇口乾燥

濇為陰難主亡津液而唇口乾

燥以陰為主內故不飲也

問曰人愧者其脉何類師曰脉浮而面色

乍白乍赤

愧者心也愧則神氣怯弱故脉浮而面色變改不常也

問曰經說脉有

三菽六菽重者何謂也師曰脉者人以指按之如三菽之重者肺氣也如六菽之重者心氣也如九菽之重者脾氣也如十二菽之重者肝氣也按之至骨者腎氣也

菽豆也難經曰如三菽之重與皮毛相得者肺部也如六菽之重與血脉相得者心部也如九菽之重與肌肉相得者脾部也如十二菽之重與筋平者肝部也按之至骨舉指來疾者腎部也各隨所主之分以候藏氣

假令下利寸口關上尺中悉不見脉然尺中時一小見

脉再舉頭者腎氣也若見損脉來至為難治

脉經曰冷氣在胃中

故令脉不通下利不見脉則冷氣客於脾胃今尺中時一小見為脾虛腎氣所乘脉再舉頭者脾為腎所乘也若尺中之脉更或減損為腎氣亦衰脾復勝之鬼賊相刑故云難治是脾勝不應時也

問曰脉有

相乘有縱有橫有逆有順何也師曰水行乘火金行乘

木名曰縱火行乘水木行乘金名曰橫水行乘金火行

乘木名曰逆金行乘水木行乘火名曰順也

金勝水水勝火縱者

言縱任其氣乘其所勝橫者言其氣橫逆反乘所不勝也縱橫與恣縱恣橫之義通水為金子火為木子子行乘

母其氣逆也母行  
乘子其氣順也問曰脉有殘賊何謂也師曰脉有弦

緊浮滑沈瀦此六者名曰殘賊能為諸脉作病也為人病者

名曰八邪風寒暑濕傷於外也飢飽勞逸傷於內也經脉者榮衛也榮衛者陰陽也其為諸經脉作病者必由風寒暑濕傷於榮衛客於陰陽之中風則脉浮寒則脉緊中暑則脉滑中濕則脉瀦傷於陰則脉沈傷於陽則脉浮所以謂之殘賊者傷良曰問曰脉有災怪何謂也殘害良曰賊以能傷害正氣也

師曰假令人病脉得太陽與形證相應因為作湯比還送湯如食頃病人乃大吐若下利腹中痛師曰我前來不見此證今乃變異是名災怪又問曰何緣作此吐利

答曰或有舊時服藥今乃發作故名災怪耳

醫以脉證與藥相對

而反變異為其災可怪故名災怪

問曰東方肝脉其形何似師曰肝者

木也名厥陰其脉微弦濡弱而長是肝脉也肝病自得

濡弱者愈也

難經曰春脉弦者肝東方木也萬物始生未有枝葉故脉來濡弱而長故曰弦是肝

之平脉脉病得此脉者為肝氣已和也

假令得純弦脉者死何以知之以

其脉如弦直是肝藏傷故知死也

純弦者為如弦直而不軟是中無胃氣為

真藏之脉內經曰死肝脉來急益勁如新張弓弦

南方心脉其形何似師曰心

者火也名少陰其脉洪大而長是心脉也心病自得洪



大者愈也

心王於夏夏則陽外勝氣血假令脉來微去淖溢故其脉來洪大而長也

大故名反病在裏也脉來頭小本大者故名覆病在表

也上微頭小者則汗出下微本大者則為關格不通不

得尿頭無汗者可治有汗者死

心脉來盛去衰為平來微去大是反本脉內經

曰大則邪至小則平微為正氣大為邪氣來以候表來微則知表和去以候裏去大則知裏病內經曰心脉來

不盛去反盛此為不及病在中頭小本大者即前小後大也小為正氣大為邪氣則邪氣先在裏今復還於表

故名曰覆不云去而止云來者是知在表脉經曰在上為表在下為裏汗者心之液上微為浮之而微頭小為

前小則表中氣虛故主汗出下微為沈之而微本大為後大沈則在裏大則病進內經曰心為牡藏小腸為之

使今邪甚下行格閉小腸使正氣不通故不得尿名曰關格脉經曰陽氣上出汗見於頭今關格正氣不通加之頭有汗者則陽氣不得下通而上脫也其無汗者雖作關格然陽氣未衰而猶可治 西方肺脉

其形何似師曰肺者金也名太陰其脉毛浮也肺病自得此脉若得緩遲者皆愈若得數者則劇何以知之數

者南方火火剋西方金法當癰腫為難治也

輕虛浮曰毛肺之平

脉也緩遲者脾之脉脾為肺之母以子母相生故云皆愈數者心之脉火剋金為鬼賊相刑故劇肺主皮毛數則為熱熱客皮膚留而不去則為問曰二月得毛浮脉癰瘍經曰數脉不時則生惡瘡

何以處言至秋當死師曰二月之時脉當濡弱反得毛

浮者故知至秋死二月肝用事肝脉屬木應濡弱反得

毛浮者是肺脉也肺屬金金來剋木故知至秋死他皆

倣此

當春時反見秋脉為金氣乘木肺來剋肝奪王脉而見至秋肺王肝氣則絕故知至秋死也 師

曰脉肥人責浮瘦人責沈肥人當沈今反浮瘦人當浮

今反沈故責之

肥人肌膚厚其脉當沈瘦人肌膚薄其脉當浮今肥人脉反浮瘦人脉反沈必

有邪氣相攻使脉反常故當責之

師曰寸脉下不至關為陽絕尺脉上

不至關為陰絕此皆不治決死也若計其餘命死生之

期期以月節剋之也

脉經曰陽生於寸動於尺陰生於尺動於寸寸脉下不至關者為陽

絕不能下應於尺也尺脉上不至關者為陰絕不能上應於寸也內經曰陰陽離決精氣乃絕此陰陽偏絕故皆決死期以月節剋之者謂師曰脉病人不病名如陽絕死於春夏陰絕死於秋冬

曰行尸以無王氣卒眩仆不識人者短命則死人病脉

不病名曰內虛以無穀神雖困無苦

脉者人之根本也脉病人不病為根

本內絕形雖且強卒然氣脫則眩運僵仆而死不曰行尸而何人病脉不病則根本內固形雖且羸止內虛爾穀神者穀氣也穀氣既足自然安矣內經曰形氣有餘脉氣不足死脉氣有餘形氣不足生問曰翕

奄沈名曰滑何謂也沈為純陰翕為正陽陰陽和合故

令脉滑關尺自平陽明脉微沈食飲自可少陰脉微滑

滑者緊之浮名也此為陰實其人必股內汗出陰下濕

也

脉來大而盛聚而沈謂之翕奄沈正如轉珠之狀也沈為藏氣故曰純陰翕為府氣故曰正陽滑者陰陽

氣不為偏勝也關尺自平陽明脉微沈者當陽部見陰脉則陰偏勝而陽不足也陽明胃脉胃中陰多故食飲自可少陰脉微滑者當陰部見陽脉則陽偏勝而陰不足也以陽湊陰分故曰陰實股與陰少陰之部也今陽熱湊陰必熏發津液泄達於外股內汗出而陰下濕也

問曰曾為人所難緊脉從

何而來師曰假令亡汗若吐以肺裏寒故令脉緊也假

令欬者坐飲冷水故令脉緊也假令下利以胃中虛冷

故令脉緊也

金匱要畧曰寒令脉急經曰諸緊為寒

寸口衛氣盛名曰高

高者暴狂而肥內經曰陰不勝其陽則脉流薄疾并乃狂衛為陽氣衛盛而暴狂者陰不勝陽也鍼經曰衛氣者所以溫分肉充皮毛肥腠理司開闔者也衛氣盛為肥者氣盛於外也榮氣盛名曰章章者

暴澤而光榮者血也榮華於身者也榮盛故身暴光澤也高章相搏名曰網網者身筋急脉

直榮衛俱盛衛氣弱名曰慄慄者心中氣動迫怯衛出則筋絡滿急

動迫榮氣弱名曰卑卑者心中常自羞愧鍼經曰血者怯也榮氣弱名曰卑卑者心中常自羞愧鍼經曰血者

慄卑相搏名曰損損者五藏六府之虛憊也衛以護陽榮以養陰榮衛俱虛則五藏六府失

於滋養致俱衛氣和名曰緩緩者四肢不能自收衛氣乏氣虛憊也衛氣和名曰緩緩者四肢不能自收衛氣

病內經曰肝受血而能視足受血而能步掌受血而能握指受血而能攝四肢不收由榮血病不能灌養故也

榮氣和名曰遲

遲者身體重但欲眠也榮氣獨和不與衛氣相諧則衛病身體重而眼欲眠者

衛病而氣不敷布也

遲緩相搏名曰沈

沈者腰中直腹內急痛但不欲卧不欲行榮氣獨和於

內衛氣獨和於外榮衛不相和諧相搏而為病腰中直者衛不利於外也腹內痛者榮不和於內也但欲卧不欲行者榮寸口脉緩而遲緩則陽氣長其色鮮其顏光

衛不營也其聲商毛髮長遲則陰氣盛骨髓生血滿肌肉緊薄鮮

鞭陰陽相抱榮衛俱行剛柔相搏名曰強也

緩為胃脉胃合衛氣

衛溫分肉充皮毛肥腠理司開闔衛和氣舒則顏色光潤聲清毛澤矣遲為脾脉脾合榮氣榮養骨髓實肌肉濡筋絡利關節榮和血滿則骨正髓生肌肉緊硬矣陰陽調和二氣相抱而不相戾榮衛流通剛柔相得是為

強壯跌陽脉滑而緊滑者胃氣實緊者脾氣強持實擊強

痛還自傷以手把刃坐作瘡也

跌陽之脉以候脾胃滑則穀氣實是為胃實緊

則陰氣勝是為脾強以脾胃一實一強而相搏擊故令痛也若一強一弱相搏則不能作痛此脾胃兩各強實相擊府藏自傷而痛譬若以手把刃而成瘡豈非自貽其害乎寸口脉浮而大浮為虛

大為實在尺為關在寸為格關則不得小便格則吐逆

經曰浮為虛內經曰大則病進浮則為正氣虛大則為邪氣實在尺則邪氣關閉下焦裏氣不得下通故不得小便在寸則邪氣格拒上焦使食不得入故吐逆跌陽脉伏而濇伏則吐逆水

穀不化濇則食不得入名曰關格

伏則胃氣伏而不宣中焦關格正氣壅塞



故吐逆而水穀不化瀉則脾胃氣瀉而不布邪氣拒於上焦故食不得入 脉浮而大浮為風

虛大為氣強風氣相搏必成癰瘡身體為痒痒者名泄

風久久為痼癰

痼癰者眉少髮稀身有乾瘡而腥臭內經曰脉風成為癰

寸口脉弱

而遲弱者衛氣微遲者榮中寒榮為血血寒則發熱衛

為氣氣微者心內饑饉而虛滿不能食也

衛為陽榮為陰弱者衛氣

微陽氣不足也遲者榮中寒經中客邪也榮客寒邪搏而發熱也陽氣內微心內雖飢飢而虛滿不能食也

跌陽脉大而緊者當即下利為難治

大為虛緊為寒胃中虛寒當即下利

下利脉當微小反緊者邪勝也故寸口脉弱而緩弱者

云難治經曰下利脉大者為未止

陽氣不足緩者胃氣有餘噫而吞酸食卒不下氣填於

膈上也

弱者陽氣不足陽能消穀陽氣不足則不能消化穀食緩者胃氣有餘則胃中有未消穀物也

故使噫而吞酸食卒不下氣填於膈上也跌陽脉緊而

浮浮為氣緊為寒浮為腹滿緊為絞痛浮緊相搏腸鳴

而轉轉即氣動膈氣乃下少陰脉不出其陰腫大而虛

也浮為胃氣虛緊為脾中寒胃虛則滿脾寒則痛虛寒相搏腸鳴而轉轉則膈中之氣因而下泄也若少陰

脉不出則虛寒之氣至於下焦結於少陰而寸口脉微聚於陰器不得發泄故陰腫大而虛也寸口脉微

而濇微者衛氣不行濇者榮氣不足榮衛不能相將三

焦無所仰身體痺不仁榮氣不足則煩疼口難言衛氣虛則惡寒數欠三焦不歸其部上焦不歸者噫而酢吞

中焦不歸者不能消穀引食下焦不歸者則遺溲

人養三焦

者血也護三焦者養也榮衛俱損不能相將而行三焦無所依仰身體為之頑痺而不仁內經曰榮衛虛則不仁鍼經曰衛氣不行則為不仁榮為血血不足則煩疼榮屬心榮弱心虛則口難言衛為陽陽微則惡寒衛為氣氣虛則數欠三焦因榮衛不足無所依仰其氣不能歸其部金匱要畧曰上焦竭善噫上焦受中焦氣中焦未和不能消穀故令噫且下焦竭即遺溺失便以上焦在膈上物未化之分也不歸者不至也上焦之氣不至其部則物未能傳化故噫而酢吞中焦在胃之中主腐熟水穀水穀化則思食中焦之食不歸其部則水穀不

化故云不能消穀引食下焦在膀胱上口主分別清  
濁溲小便也下焦不歸其部不能約制溲便故遺溲

陽脉沈而數沈為實數消穀緊者病難治

沈為實者沈主裏也數消

穀者數為熱也緊為肝脉見於脾部木來剋土為鬼賊相刑故云難治

寸口脉微而濇微

者衛氣衰濇者榮氣不足衛氣衰面色黃榮氣不足面

色青榮為根衛為葉榮衛俱微則根葉枯槁而寒慄欬

逆唾腥吐涎沫也

衛為氣面色黃者衛氣衰也榮為血面色青者榮血衰也榮行脉中為根

衛外脉外為葉榮為陰衛為陽榮為根衛為葉根葉俱微則陰陽之氣內衰致生寒慄而欬逆唾腥吐涎沫也

跌陽脉浮而芤浮者衛氣衰芤者榮氣傷其身體瘦肌

肉甲錯浮乳相搏宗氣衰微四屬斷絕

經曰衛氣盛名曰高高者暴狂

而肥榮氣盛名曰章章者曰暴澤而光其身體瘦而不肥者衛氣衰也肌肉甲錯而不澤者榮氣傷也宗氣者三焦歸氣也四屬者皮肉脂髓也榮衛衰寸口脉微而傷則宗氣亦微四屬失所滋養致斷絕矣

緩微者衛氣踈踈則其膚空緩者胃氣實實則穀消而

水化也穀入於胃脉道乃行水入於經其血乃成榮盛

則其膚必踈三焦絕經名曰血崩

衛為陽微為亡陽脉微者衛氣踈衛溫分

肉肥腠理衛氣既踈其膚不得溫肥則空虛也經曰緩者胃氣有餘有餘為實故云緩者胃氣實肉經曰食入於胃淫精於脉是穀入於胃脉道乃行也鍼經曰飲而液滲於絡合和於血是水入於經其血乃成也胃中穀

消水化而為血氣今衛氣盛是榮氣強而衛氣弱也衛氣弱者外則不能固密皮膚而為之氣疎內則不能衛護其血而血為之崩經常也三焦者氣之道路衛氣疎則氣不循常度三焦絕其常度也

跌陽脉

微而緊緊則為寒微則為虛微緊相搏則為短氣

既虛且寒

氣自少陰脉弱而濇弱者微煩濇者厥逆

煩者熱也少陰脉弱者陰

虛也陰虛則發熱以陰部見陽脉非大虛也故生微煩厥逆者四肢冷也經曰陰陽不相順接便為厥厥者手足厥冷是也少陰脉濇者陰氣濇不能與陽相順相接故厥逆也

跌陽脉不出脾不上

下身冷膚鞭

脾胃為榮衛之根脾能上下則水穀磨消榮衛之氣得以行脾氣虛衰不能上下則

榮衛之氣不得通營於外故跌陽脉不出少陰脉不至身冷者衛氣不溫也膚鞭者榮血不濡也

腎氣微少精血奔氣促迫上入胃膈宗氣反聚血結心  
下陽氣退下熱歸陰股與陰相動令身不仁此為尸厥

當刺期門巨闕

尸厥者為其從厥而生形無所知其狀若尸故名尸厥少陰脉不出則厥氣客

於腎而腎氣微少精血厥氣上奔填塞胃膈壅遏正氣使宗氣反聚而血結心下鍼經曰五穀入于胃其糟粕津液宗氣分為三隊宗氣積於胃中出於喉嚨以貫心脉而行呼吸又曰榮氣者泌其津液注之於脉化而為血以營四末今厥氣大甚宗氣反聚而不行則絕其呼吸血結心下而不流則四體不仁陽氣為厥氣所擁不能宣發退下至陰股間與陰相動仁者柔也不仁者言不柔和也為寒熱痛痺俱不覺知者也陽氣外不為使內不得通榮衛俱不能行身體不仁狀若尸也內經曰厥氣上行滿脉去形刺期門者以通心下結血刺巨闕

者以行胃中宗氣血氣流通厥氣退則甦矣

寸口脉微尺脉緊其人虛損多

汗知陰常在絕不見陽也

寸微為亡陽尺緊為陰勝陽微陰勝故云虛損又加之多

汗則愈損陽氣是陰常在而絕不見陽也

寸口諸微亡陽諸濡亡血諸弱發

熱諸緊為寒諸乘寒者則為厥鬱胃不仁以胃無穀氣

脾瀆不通口急不能言戰而慄也

衛陽也微為衛氣微故云亡陽榮血也濡為

榮氣弱故云亡血弱為陰虛虛則發熱緊為陰勝故為寒諸乘寒者則陰陽俱虛而為寒邪乘之也寒乘氣虛抑伏陽氣不得宣發遂成厥也鬱胃為昏胃不知人也  
不仁為強直而無覺也為尸厥焉以胃無穀氣致脾瀆不通於上下故使口急不能言  
問曰濡弱何以反適十戰者寒在表也慄者寒在裏也



一頭師曰五藏六府相乘故令十一濡弱者氣血也往反有十一頭頭者

五藏六府共有十一也問曰何以知乘府何以知乘藏師曰諸陽

浮數為乘府諸陰遲濇為乘藏也府陽也陽脉見者為乘府也藏陰也陰脉

見者為乘藏也

### 釋音

見音現讞職廉切病人劇躅戟切甚也鞭音硬下同灑浙上音下

析寒惡鳥路响香句切嚔汝朱切闊音合躁子到切藹

驚貌瞥匹滅切榮於營切駛音快痞音備而濡音軟轉索上株反

下蘇各反  
澱阻立切  
汗出和也  
跌音夫  
腐音府  
爛也  
燥蘇到切  
噫乙界切  
爍式灼

切溲所留切  
熱直立切  
俠音夾  
又音夾  
鰲力支切  
色黑而黃也  
餉音同  
噦

於月切  
逆氣也  
衃女六切  
慄音栗  
懼貌  
邪中音衆  
溷胡困切  
悌音佛  
鬱上音佛  
下音鬱

癰於容切  
盟乙骨切  
咽也  
豚徒渾切  
盍音合  
圓七情切  
湫子由切  
又


斷魚斤切  
麋音眉  
悍胡旦切  
皆音計  
參差上初簪切  
銓七全切  
銖

殊音聚  
畜水  
其差楚懈切  
呻音申  
卯盧管切  
嚨力公切  
菽音叔  
也

勁居正切  
淖奴教切  
覆芳救切  
牝藏上毗切  
忍切  
下才  
瘍以章切

僵仆上音薑  
下音副  
翕奄上音吸  
下音掩  
見陽音現  
股音古  
髀也  
慄徒煩切  
詣

音鞋  
和也  
戾  
利音  
痂  
癩  
上音加  
力代切  
下  
噫  
鳥介切  
酢  
醋音  
冒  
音帽  
昏  
乳  
苦  
侯



傷寒論注釋卷一

欽定四庫全書

子部  
傷寒論注釋卷三

詳校官太醫院八品吏目臣黃發

編修臣倉聖脈覆勘

總校官編修臣王燕緒

校對官主事臣陳文樞

謄錄監生臣汪志伊

欽定四庫全書

傷寒論注釋卷二

金成無已 注

傷寒例第三

陰陽大論云春氣溫和夏氣暑熱秋氣清涼冬氣冷冽

此則四時正氣之序也

春夏為陽春溫夏熱者以陽之動始於溫盛於暑故也秋冬為

陰秋涼而冬寒者以陰之動始於涼盛於寒故也

冬時嚴寒萬類深藏君子固

密則不傷於寒觸冒之者乃名傷寒耳

冬三月純陰用事陽乃伏藏水

冰地圻寒氣嚴凝當是之時善攝生者出處固密去寒就溫則不傷於寒其涉寒冷觸冒霜雪為病者謂之傷寒也其傷於四時之氣皆能為病春風夏暑秋濕冬寒謂之四時之氣以傷

寒為毒者以其最成殺厲之氣也

熱為陽陽主生寒為陰陰主殺陰寒為病

最為肅殺毒厲之氣

中而即病者名曰傷寒不即病者寒毒藏於

肌膚至春變為溫病至夏變為暑病暑病者熱極重於

溫也

內經曰先夏至日為溫病後夏至日為暑病溫暑之病本傷於寒而得之故大壅均謂之傷寒也

是以辛苦之人春夏多溫熱病皆由冬時觸寒所致非

時行之氣也凡時行者春時應暖而復大寒夏時應大

熱而反大涼秋時應涼而反大熱冬時應寒而反大溫

此非其時而有其氣是以一歲之中長幼之病多相似

者此則時行之氣也

四時氣候不正為病謂之時行之氣時氣所行為病非暴厲之氣感

受必同是以一歲之中長幼之病多相似也

夫欲候知四時正氣為病及時

行疫氣之法皆當按斗歷占之

四時正氣者春風夏暑秋濕冬寒是也時行者

時行之氣是也溫者冬時感寒至春發者是也疫者暴厲之氣是也占前斗建審其時候之寒溫察其邪氣之輕重而治之

故下文曰 九月霜降節後宜漸寒向冬大寒至正月

雨水節後宜解也所以謂之雨水者以冰雪解而為雨



水故也至驚蟄二月節後氣漸和暖向夏大熱至秋便

涼

冬寒春溫夏熱秋涼為四時之正氣也

從霜降以後至春分以前其有

觸冒霜露體中寒即病者謂之傷寒也

九月十月寒氣尚微為病則輕

十一月十二月寒冽已嚴為病則重正月二月寒漸將解為病亦輕此以冬時不調適有傷寒之人即為病也此為四時正氣其冬有非節之暖者名曰冬溫冬溫之中而即病者也

毒與傷寒大異冬溫復有先後更相重沓亦有輕重為

治不同證如後章

此為時行之氣前云冬時應寒而反大溫者是也

從立秋

節後其中無暴大寒又不冰雪而有人壯熱為病者此

屬春時陽氣發於冬時伏寒變為溫病

此為溫病也內經曰冬傷於寒

春必病溫

從春分以後至秋分節前天有暴寒者皆為時行

寒疫也三月四月或有暴寒其時陽氣尚弱為寒所折

病熱猶輕五月六月陽氣已盛為寒所折病熱則重七

月八月陽氣已衰為寒所折病熱亦微其病與溫及暑病相

似但治有殊耳

此為疫病也是數者以明前斗歷之法占其隨時氣候發病寒熱輕重不同耳

十五日得一氣於四時之中一時有六氣四六名為二

十四氣也

節氣十二中氣十二共二十四內經曰五日謂之候三候謂之氣六氣謂之時四時謂之

歲然氣候亦有應至而不至或有未應至而至者或有

至而太過者皆成病氣也

疑漏或有至而不去此一句按金匱要畧曰有未至而至

有至而不至有至而不去有至而太過何故也師曰冬至之後甲子夜半少陽起少陽之時陽始生天得溫而以未得甲子天因溫而此為未至而至也以得甲子而天未溫而此為至而不至以得甲子而天大寒不解此為至而不去也以得甲子而天溫如盛夏五六月時此為至而太過也內經曰至而和則平至而甚則病至而反者病至而不至者病未至而但天地動靜陰陽鼓擊至者病即是觀之說漏明矣

者各正一氣耳

內經曰陰陽者天地之道清陽為天動而不息濁陰為地靜而不移天地陰陽

之氣鼓擊而生春夏秋冬寒熱溫涼各正一氣也

是以彼春之暖為夏之暑彼

秋之忿為冬之怒

春暖為夏暑從生而至長也秋忿為冬怒從肅而至殺也是故冬

至之後一陽爻升一陰爻降也夏至之後一陽氣下一

陰氣上也

十月六爻皆陰坤卦為用陰極陽來陽生於子冬至之後一陽爻升一陰爻降於卦為復

言陽氣得復也四月六爻皆陽乾卦為用陽極陰來陰生於午夏至之後一陽氣下一陰氣上於卦為姤言陰得遇陽也內經曰冬至四十五日陽氣微上陰氣微下夏至四十五日陰氣微上陽氣微下斯則冬

夏至陰陽合也春秋二分陰陽離也

陽生於子陰生於午是陰陽相

接故曰合陽退於酉陰退於卯是陰陽相背故曰離內經曰氣至之謂至氣分之謂分至則氣同分則氣異

陰陽交易人變病焉

天地陰陽之氣既交錯而不正人所以變病內經曰陰陽相錯而變

也由生此君子春夏養陽秋冬養陰順天地之剛柔也內經

曰養生者必順於時春夏養陽以涼以寒秋冬養陰以溫以熱所以然者從其根故也小人觸冒

必嬰暴疹須知毒烈之氣留在何經而發何病詳而取

之不能順四時調養觸冒寒溫者必成暴病醫者當在意審詳而治之是以春傷於風夏

必飧泄夏傷於暑秋必痎瘧秋傷於濕冬必咳嗽冬傷

於寒春必病溫此必然之道可不審明之當春之時風氣大行春傷

於風風氣通於肝肝以春適王風雖入之不能即發至

夏肝衰然後始動風淫末疾則當發於四肢夏以陽氣

外盛風不能外發故攻內而為飧泄飧泄者下利米穀

不化而色黃當秋之時濕氣大行秋傷於濕濕則干於

肺肺以秋適王濕雖入之不能即發至冬肺衰然後濕始動也雨淫腹疾則當發為下利冬以陽氣內固濕氣不能下行故上逆而為咳嗽當夏之時暑氣大行夏傷於暑夏以陰為主內暑雖入之勢未能動及秋陰出而陽為內主然後暑動傳陰而為痰瘧瘧者二日一發瘧者一日一發當冬之時寒氣大行冬傷於寒冬以陽為主內寒雖入之勢未能動及春陽出而陰為內主然後寒動傳陽而為溫病是感冒四時正氣為病必然之道傷寒之病逐日淺深以施方治

內經曰未滿三日者可汗而已其滿三日者可泄

而己今世人傷寒或始不早治或治不對病或日數久淹困乃告醫醫人又不依次第而治之則不中病皆宜臨時消息制方無不效也今搜採仲景舊論錄其證候診

脉聲色對病真方有神驗者擬防世急也

仲景之書建  
今千年而顯用

於世者王叔  
和之力也

又土地溫涼高下不同物性剛柔食居亦

異是黃帝興四方之間岐伯舉四治之能以訓後賢開

其未悟者臨病之工宜須兩審也

東方地氣溫南方地  
氣熱西方地氣涼北

方地氣寒西北方高東南方下是土地溫涼高下不同  
也東方安居食魚西方陵居華食南方濕處而嗜酸北  
方野處而食乳是食居之異也東方治宜砭石西方治  
宜毒藥南方治宜微針北方治宜灸焫是四方醫治不  
同也醫之治病當  
審其土地所宜凡傷於寒則為病熱熱雖甚不死內經

曰風寒客於人使人毫毛畢直皮膚閉而為熱是傷寒  
為病熱也鍼經曰多熱者易已多寒者難已是熱雖甚

死不若兩感於寒而病者必死

表裏俱病者謂之兩感

尺寸俱浮者

太陽受病也當一二日發以其脉上連風府故頭項痛

腰脊強

太陽為三陽之長其氣浮於外故尺寸俱浮是邪氣初入皮膚外在表也當一二日發風府穴

名也項中央太陽之脉從巔入絡腦還出別下項是以上連風府其經循肩膊內俠脊抵腰中故病頭項痛腰

脊強尺寸俱長者陽明受病也當二三日發以其脉俠鼻

絡於目故身熱目疼鼻乾不得卧

陽明血氣俱多尺寸俱長者邪併陽明而

血氣淖溢也太陽受邪不已傳於陽明是當二三日發其脉俠鼻者陽明脉起於鼻交頰中絡於目陽明之脉正上額頰還出繫目系身熱者陽明主身之肌肉鍼經曰陽明氣盛則身以前皆熱目疼鼻乾者經中客邪也



不得卧者胃氣逆不得從其道也內經曰胃不和則卧不安 尺寸俱弦者少陽受病

也當三四日發以其脉循脇絡於耳故胃脇痛而耳聾

內經曰陽中之少陽通於春氣春脉弦尺寸俱弦者知少陽受邪也二三日陽明之邪不已傳於少陽是當三

四日發胃脇痛而耳聾者經壅而不利也此三經皆受病未入於府者可汗

而已三陽受邪為病在表法當汗解然三陽亦有便入府者入府則宜下故云未入於府者可汗而已

尺寸俱沈細者太陰受病也當四五日發以其脉布胃

中絡於嗌故腹滿而嗌乾陽極則陰受之邪傳三陽既過次乃傳於陰經在陽為在

表在陰為在裏邪在表則見陽脉邪在裏則見陰脉陽邪傳陰邪氣內陷故太陰受病而脉尺寸俱沈細也自

三陽傳於太陰是當四五日發也邪入於陰則漸成熟腹滿而噎乾者脾經壅而成熱也尺寸俱沈

者少陰受病也當五六日發以其脉貫腎絡於肺繫舌

本故口燥舌乾而渴

少陰腎水也性趣下少陰受病脉尺寸俱沈也四五日太陰之邪不

已至五六日則傳於少陰也是少陰病當五六日發人傷於寒則為病熱謂始為寒而終成熟也少陰為病口燥舌乾而渴邪傳尺寸俱微緩者厥陰受病也當六七入裏熱氣漸深也

日發以其脉循陰器絡於肝故煩滿而囊縮

緩者風脉也厥陰脉

微緩者邪傳厥陰熱氣已劇近於風也當六七日發此以少陰邪傳於厥陰煩滿而囊縮者熱氣聚於內也

三經皆受病已入於腑可下而已

三陰受邪為病在裏於法當下然三陰亦

有在經者在經則宜汗故云已入於府若兩感於寒者者可下而已經曰臨病之工宜須兩審

一日太陽受之即與少陰俱病則頭痛口乾煩滿而渴  
二日陽明受之即與太陰俱病則腹滿身熱不欲食譫  
語三日少陽受之即與厥陰俱病則耳聾囊縮而厥水  
漿不入不知人者六日死若三陰三陽五藏六府皆受

病則榮衛不行府藏不通則死矣

陰陽俱病表裏俱傷者為兩感以其陰陽

兩感病則兩證俱見至於傳經則亦陰陽兩經俱傳也  
始得一日頭痛者太陽口乾煩滿而渴者少陰至二日  
則太陽傳於陽明而少陰亦傳於太陰身熱譫語者陽  
明腹滿不欲食者太陰至三日陽明傳於少陰而太陰

又傳於厥陰耳聾者少陽囊縮而厥者厥陰水漿不入  
不知人者胃氣不通也內經曰五藏已傷六府不通榮  
衛不行如是之後三日乃死何也岐伯曰陽明者十二  
經脉之長也其血氣盛故云不知人三日其氣乃盡故  
死矣謂三日六經俱病榮衛之氣不得行於內外府藏  
之氣不得通於上下至六日府藏之氣俱盡榮衛之氣  
俱絕則其不兩感於寒更不傳經不加異氣者至七日  
死矣

太陽病衰頭痛少愈也八日陽明病衰身熱少歇也九  
日少陽病衰耳聾微聞也十日太陰病衰腹減如故則  
思飲食十一日少陰病衰渴止舌乾已而嚏也十二日  
厥陰病衰囊縱少腹微下大氣皆去病人精神爽慧也

六日傳過三陰三陽之氣皆和大邪之氣皆去病人精神爽慧也若過十三日以上不

間尺寸陷者大危

問者瘳也十二日傳經盡則當瘳愈若過十三日已上不瘳尺寸之脉沈

陷者即正氣內衰邪氣獨勝故云大危

若更感異氣變為他病者當依舊

壞證病而治之若脉陰陽俱盛重感於寒者變為溫瘧

異氣者為先病未已又感別異之氣也兩邪相合變為他病脉陰陽俱盛者傷寒之脉也難經曰傷寒之脉陰陽俱盛而緊濇經曰脉盛身寒得之傷寒則為前病熱未已再感於寒寒熱相傳變為溫瘧陽脉浮

滑陰脉濡弱者更遇於風變為風溫

此於前熱未歇又感於風者也難經曰

中風之脉陽浮而滑陰濡而弱風來乘熱故變風溫陽脉洪數陰脉實大者過溫

熱變為溫毒溫毒為病最重也

此前熱未已又感溫熱者也陽主表陰主裏洪

數實大皆熱也兩熱相合變為溫毒以其表裏俱熱故為病最重

陽脉濡弱陰脉弦緊

者更遇溫氣變為溫疫以此冬傷於寒發為溫病脉之

變證方治如說

此前熱未已又感溫氣者也溫熱相合變為溫疫

凡人有疾不

時即治隱惡冀差以成痼疾

凡覺不佳急須求治苟延時日則邪氣入深難可復

制千金曰凡有少苦似不如平常即須早道若隱惡不治冀望自差須臾之間以成痼疾此之謂也

小兒

女子益以滋甚

小兒氣血未全女子血室多病凡所受邪易於滋蔓

時氣不和便

當早言尋其邪由及在腠理以時治之罕有不愈者

腠理

者津液腠泄之所文理縫會之中也金匱要畧曰腠者是三焦通會元真之處為血氣所注理者是皮膚藏府之文理也邪客於皮膚則邪氣浮淺易為散發若以時治之罕有不愈者矣金匱玉函曰生候長存形色未病未入腠理針藥及時服將患人忍之數日乃說邪氣入調藥委以良醫病無不愈

藏則難可制此為家有患備慮之要

邪在皮膚則外屬陽而易治邪傳入

裏則內屬陰而難治內經曰善治者治皮毛其次治肌膚其次治筋脉其次治六府其次治五藏治五藏者半死半生也昔桓侯怠於皮膚之微疾以至骨髓之病家有患者不可備慮凡作湯藥不可避

晨夜覺病須臾即宜便治不等早晚則易愈矣

千金曰凡始覺

不佳即須治療迄至於病湯食競進折其毒勢自然而差若或差遲病即傳變雖欲

除治必難為力

傳有常也變無常也傳為循經而傳如太陽傳陽明是也變為不常之變如陽

證變陰證是也邪既傳變病勢深也本草曰病勢已成可得半愈病勢已過命將難全

服藥正如

方法縱意違師不須治之

內經曰拘於鬼神者不可與言至德惡於針石者不可與

言至巧病不許治者病必不治治之無功矣

凡傷寒之病多從風寒得之

凡風與傷寒為病自古通謂之傷寒千金曰夫傷寒病者起自風寒入於腠理與精氣分爭榮衛偏隔周身不通

而始表中風寒入裏則不消矣

始自皮膚入於經絡傳於藏府是也未有

溫覆而當不消散者

風寒初客於皮膚便投湯藥溫暖發散而當者則無不消散之邪

不在證治擬欲攻之猶當先解表乃可下之

已解表而後下之則



無復傳之邪也。若表已解而內不消，非大滿猶生寒熱，則病不

除。

表證雖罷，裏不至大堅滿者，亦未可下之。是邪未收，歛成實下之，則裏虛而邪復不除，猶生寒熱也。若

表已解而內不消，大滿大實，堅有燥屎，自可除下之。雖

四五日不能為禍也。

外無表證，裏有堅滿，為下證。悉具外臺云：表和裏病下之，則愈。下證

既具，則不必拘於日數。

若不宜下而便攻之，內虛熱入，協熱遂利。

煩躁諸變，不可勝數。輕者困篤，重者必死矣。

下之不當，病輕者證

猶變易而難治，又劇重者乎。

夫陽盛陰虛，汗之則死；下之則愈。陽虛

陰盛，汗之則愈；下之則死。

表為陽，裏為陰。陰虛者，陽必湊之；陽盛之邪，乘其裏虛而

入於府者為陽盛陰虛也經曰尺脉弱名曰陰不足陽氣下陷入陰中則發熱者是矣下之除其內熱而愈若反汗之則竭其津液而死陰脉不足陽往從之陽脉不足陰往乘之陰邪乘其表虛客於榮衛之中者為陽虛陰盛也經曰假令寸口脉微名曰陽不足陰氣上入陽中則洒淅惡寒者是矣汗之散其表寒則愈若反下之則脫其正氣而死經曰本發汗而復下之此為逆也本先下之而反汗之為逆

夫如是則神

丹安可以誤發甘遂何可以妄攻虛盛之治相背千里

吉凶之機應若影響豈容易哉

神丹者發汗之藥也甘遂者下藥也若汗下當

則吉汗下不當則凶其應如影隨形如響應聲

況桂枝下咽陽盛則斃承氣入

胃陰盛以亡

桂枝湯者發汗藥也承氣湯者下藥也金匱玉函曰不當汗而強與汗之者令人奪

其津液枯槁而死不當下而強與下死生之要在乎須之者令人開腸潤泄便溺不禁而死

更視身之盡不暇計日

投湯不當則災禍立見豈暇計其日數哉此陰陽虛

實之交錯其候至微發汗吐下之相反其禍至速而醫

術淺狹懵然不知病源為治乃悞使病者殞歿自謂其

分至令冤魂塞於冥路死屍盈於曠野仁者鑒此豈不

痛歟凡兩感病俱作治有先後發表攻裏本自不同而

執迷妄意者乃云神丹甘遂合而飲之且解其表又除

其裏言巧似是其實違夫智者之舉錯也常審以慎

愚者之動作也必果而速安危之變豈可詭哉世上之士但務彼翕習之榮而莫見此傾危之敗惟明者居然能護其本近取諸身夫何遠之有焉

兩感病俱作欲成不治之疾醫者大宜消

息審其先後次第而治之若妄意攻治以求速效者必致傾危之敗

凡發汗溫服湯藥其

方雖言日三服若病劇不解當促其間可半日中盡三服若與病相阻即便有所覺重病者一日一夜當晬時觀之如服一劑病證猶在故當復作本湯服之至有不肯汗出服三劑乃解若汗不出者死病也

發汗藥須溫暖服者易

為發散也日三服者藥勢續也病勢稍重當促急服之以折盛熱不可拘於本方設藥病不相對湯入即便知之如陰多者投以涼藥即寒逆隨生陽多者飲以溫劑則熱毒即起是便有所覺時者周時也一日一夜服湯藥盡劑更看其傳如病證猶在常復作本湯以發其汗若服三劑不解汗不出邪氣大甚湯不能勝必成大疾千金曰熱病脉躁盛而不凡得時氣病至五六日而渴得汗者此陽脉之極也死欲飲水飲不能多不當與也何者以腹中熱尚少不能消之便更與人作病也至七八日大渴欲飲水者猶當依證與之與之常令不足勿極意也言欲飲一斗與五升若飲而腹滿小便不利若喘若噦不可與之忽然大

汗出是為自愈也

熱在上焦則為消渴言熱消津液而

熱少不能消之若強飲則停飲變為諸病至七八日陽勝氣溫向解之時多向生大渴亦須少少與之以潤胃氣不可極意飲也若飲而腹滿小便不利若喘若噦者為水飲內停而不散不可更與之忽然陽氣通水氣散先發於外作

大汗而解

凡得病反能飲水此為欲愈之病其不曉

病者但聞病飲水自愈小渴者乃強與飲之因成其禍

不可復數

小渴者為腹中熱少若強與水水飲不消復為諸飲病也

凡得病厥脉動

數服湯藥更遲脉浮大减小初躁後靜此皆愈證也

數動

之脉邪在陽也湯入而變遲者陽邪愈也浮大之脉邪在表也而復減小者表邪散也病初躁亂者邪所煩也

湯入而安靜者藥勝病也是皆為愈證

凡治溫病可刺五十九穴

五十九穴者以

寫諸經之溫熱鍼經曰熱病取之諸陽五十九穴刺以寫其熱而出其汗實其陰而補其不足所謂五十九刺

兩手內外側各三凡十二痛五指間各一凡八痛足亦如是頭入髮際一寸旁三分各三凡六痛更入髮三寸

邊五凡十痛耳前後口下各一項中一穴凡六痛巔上一顙會一髮際一廉泉一風池二天柱二又內經曰熱

俞五十九頭上五行行五者以寫諸陽之熱逆也大杼膺俞缺盆背俞此八者以寫胃中之熱也氣衝三里巨虛

上下廉此八者以寫胃中之熱也雲門髃骨委中髓空此八者以寫四支之熱也五藏俞旁五此十者以寫五

藏之熱也凡此五十九穴者皆熱之左右也

人身之穴三百六十有五其三

十九穴灸之有害七十九穴刺之為災并中髓也

穴有三

六十五以應一歲其灸刺之禁皆內薄骨凡脉四損三解之處血脉虛少之分鍼灸并中髓也

日死平人四息病人脉一至名曰四損脉五損一日死

平人五息病人脉一至名曰五損脉六損一時死平人

六息病人脉一至名曰六損

四藏氣絕者脉四損五藏氣絕者脉五損五藏六府

俱絕者脉盛身寒得之傷寒脉虛身熱得之傷暑

內經曰脉

者血之府也脉實血實脉虛血虛寒則傷血邪併於血則血盛而氣虛故傷寒者脉盛而身寒熱則傷氣邪併

於氣則氣盛而血虛故傷暑者脉虛而身熱

脉陰陽俱盛大汗出不解者死

脉陰陽俱盛當汗出而解若汗出不解則邪氣內勝正氣外脫故死內經曰汗出而脉尚躁盛者死千金曰熱病



金匱要略卷二  
已得汗脉尚躁盛脉陰陽俱虛熱不止者死脉陰陽俱虛者真氣

弱也熱不止者邪氣勝也脉至乍疎乍數者死為天真榮衛之

內經曰病溫虛甚者死脉至如轉索者其日死胃氣故不出其日而死

言妄語身微熱脉浮大手足溫者生逆冷脉沈細者不

過一日死矣讖言妄語陽病也身微熱脉浮大手足溫為脉病相應若身逆冷脉沈細為陽病見

陰脉脉病不相應故不過一日而死難此以前是傷寒

熱病證候也

# 辨瘧濕暍脉證第四

傷寒所致太陽瘧濕喝三種宜應別論以為與傷寒相

似故此見之

瘧當作瘧傳寫之誤也瘧者惡也非強也內經曰肺移熱於腎傳為柔瘧柔為筋柔

而無力瘧謂骨瘧而不隨瘧者強也千金以強直為瘧經曰頸項強急口噤背反張者瘧即是觀之瘧為瘧字

明矣太陽病發熱無汗反惡寒者名曰剛瘧

千金曰太陽中風重感寒

濕則變瘧太陽病發熱無汗為表實則不當惡寒今反惡寒者則太陽中風重感於寒為瘧病也以表實感寒

故名剛瘧太陽病發熱汗出不惡寒者名曰柔瘧

太陽病發熱汗出為

表虛則當惡寒其不惡寒者為陽明病今發熱汗出而不惡寒者非陽明證則是太陽中風重感於濕為柔瘧

也表虛感濕故曰柔瘧

太陽病發熱脉沈而細者名曰瘧

太陽主表太陽

病發熱為表病脉當浮大今脉反沈細既不愈則太陽中風重感於濕而為瘧也金匱要畧曰太陽病其證備身體強几几然脉反沈遲此為瘧括萋桂枝湯主之

太陽病發汗太多因致瘧

病發汗太多則亡陽內經曰陽氣者精則養神柔則養筋陽微不能養筋則筋脉緊急而成瘧也

病身

熱足寒頸項強急惡寒時頭熱面赤目脉赤獨頭面搖

卒口噤背反張者瘧病也

太陽中風為純中風也太陽傷寒為純陽寒也皆不作瘧

惟是太陽中風重感寒濕乃變為瘧也身熱足寒者寒濕傷下也時頭熱面赤目脉赤風傷於上也頭搖者風主動也獨頭搖者頭為諸陽之會風傷陽也若純傷風者身亦為之動搖手足為之搖擗此者內挾寒濕故頭搖也口噤者寒主急也卒口噤者不常噤也有時而緩若風寒相搏則口噤而不時開此者加之風濕故卒口

喙也足太陽之脉起於目內眥上額交巔上其支別者從巔入絡腦還出別下項循肩膊內夾脊抵膂中下貫臂以下至足風寒客於經中則筋脉拘急故頸項強急而背反張也

**太陽病關節疼痛而**

**煩脉沈而細者此名濕痺濕痺之候其人不小便不利大**

**便反快但當利其小便**

金匱要畧曰霧傷皮膚腠濕流關節疼痛而煩者濕氣內流也濕

同水也脉沈而細者水性趨下也痺痛也因其關節煩疼而名曰濕痺非脚氣之痺也內經曰濕勝則濡泄小便不利大便反快者濕氣內勝也但當利其小便以濕宣泄腹中濕氣古云治濕之病不利小便非其治也

**家之為病一身盡疼發熱身色如似重黃**

身黃如橘子色者陽明瘧

熱也此身色如似熏黃即非陽明瘧熱身黃發熱者梔子檗皮湯主之為表裏有熱則身不疼痛此一身盡疼

非傷寒客熱也知濕邪在經而使之脾惡濕濕傷則脾病而色見是以身發黃者為其黃如煙熏非正黃色也

濕家其人但頭汗出背強欲得被覆向火若下之早則

噦胃滿小便不利舌上如胎者以丹田有熱胃中有寒

渴欲得水而不能飲則口燥煩也

濕家有風濕有寒濕此寒濕相搏者也濕

勝則多汗傷寒則無汗寒濕相搏雖有汗而不能周身故但頭汗出也背陽也腹陰也太陽之脉夾脊抵胛太陽客寒濕表氣不利而背強也裏有邪者外不惡寒表有邪者則惡寒欲得被覆向火者寒濕在表而惡寒也若下之早則傷動胃氣損其津液故致噦而胃滿小便不利下後裏虛上焦陽氣因虛而陷於下焦為丹田有熱表中寒乘而入於胃中為胃上有寒使舌上生白胎滑也藏燥則欲飲水以胃上客寒濕故不能飲而但口

燥煩也 濕家下之額上汗出微喘小便利者死若下利不

止者亦死

濕家發汗則愈金匱要畧曰濕家身煩疼可與麻黃加朮四兩發其汗為宜若妄下則大

逆額上汗出而微喘者乃陽氣上逆也小便自利或下利者陰氣下流也陰陽相離故云死矣內經曰陰陽離決精氣乃絕 問曰風濕相搏一身盡疼痛法當汗出而解值

天陰雨不止醫云此可發汗汗之病不愈者何也答曰

發其汗汗大出者但風氣去濕氣在是故不愈也若治

風濕者發其汗但微微似欲汗出者風濕俱去也

值天陰雨

不止明其濕勝也內經曰陽受風氣陰受濕氣又曰傷於風者上先受之傷於濕者下先受之風濕相搏則風

在外而濕在內汗大出者其氣暴暴則外邪出而裏邪不能出故風去而濕在汗微微而出者其氣緩緩則內外之邪皆出故風濕俱去也

濕家病身上疼痛發熱面黃而喘頭痛

鼻塞而煩其脉大自能飲食腹中和無病病在頭中寒

濕故鼻塞內藥鼻中則愈

病有淺深證有中外此則濕氣淺者也何以言之濕家不

云關節煩疼而云身上疼痛是濕氣不流關節而外客肌表也不云發熱身似熏黃復云發熱面黃而喘是濕不干於脾而薄於上焦也陰受濕氣則濕邪為深今頭痛鼻塞而煩是濕客於陽而不客於陰也濕家之脉當沈細為濕氣內流脉大者陽也則濕不內流而外在表也又以自能飲食胃腹別無滿痞為腹中和無病知其濕氣尚淺內藥鼻中

病者一身盡疼發熱日晡所劇者

以宣泄頭中寒濕

此名風濕此病傷於肝出當風或久傷取冷所致也身一

盡疼者濕也發熱日晡所劇者風也若汗出當風而得之者則先客濕而後感風若久傷取冷得之者則先傷

風而後中濕可與麻黃杏仁薏苡仁甘草湯見金匱要略中方太陽中熱者喝是也其

人汗出惡寒身熱而渴也

汗出惡寒身熱而不渴者中風也汗出惡寒身熱而渴者

中喝也白虎加人參湯主之見金匱要略中方

太陽中喝者身熱疼重而脉微

弱此亦夏月傷冷水水行皮中所致也

經曰脉虛身熱得之傷暑身熱

脉微弱者喝也身體疼重者水也夏時暑熱以水灌洗而得之一物瓜蒂散主之見金匱要略中方太陽

中喝者發熱惡寒身重而疼痛其脉弦細孔遲小便已



洒洒然毛聳手足逆冷小有勞身即熱口開前板齒燥  
若發汗則惡寒甚加溫針則發熱甚數下之則淋甚有病

在表有在裏者有表裏俱病者此則表裏俱病者也發  
熱惡寒身重疼痛者表中喝也脉弦細孔遲者中暑脉  
虛也小便已洒洒然毛聳手足逆冷者太陽經氣不足  
也小有勞身即熱者謂勞動其陽而喝即發也口開前  
板齒燥者裏有熱也內經曰因於暑汗煩則喘喝口開  
謂喘喝也以喘喝不止故前板齒乾燥若發汗以去表  
邪則外虛陽氣故惡寒甚若以溫針助陽則火熱內攻  
故發熱甚若下之以除裏熱則內虛而膀胱燥故淋甚

辨太陽病脉證并治法上第五

太陽之為病脉浮頭項強痛而惡寒

經曰尺寸俱浮者  
太陽受病太陽受

病太陽主表為諸陽主氣脉浮頭  
項強痛而惡寒者太陽表病也  
太陽病發熱汗出惡

風脉緩者名為中風

出風陽也寒陰也風則傷衛發熱汗出惡風者衛中風也榮病發熱無

汗不惡風而惡寒衛病則發熱汗出不惡寒而惡風以衛為陽衛外者也病則不能衛固其外而皮腠疎故汗出而惡風也傷寒脉緊傷風脉緩者寒性勁急而風性解緩故也太陽病或已發熱或未

發熱必惡寒體痛嘔逆脉陰陽俱緊者名曰傷寒

凡傷

於寒則為病熱為寒氣客於經中陽經怫結而成熱也中風即發熱者風為陽也及傷寒云或已發熱或未發熱以寒為陰邪不能熱鬱而方變熱也風則傷衛寒則傷榮衛虛者惡風榮虛者惡寒榮傷寒者必惡寒也氣病者則麻血病者則痛風令氣緩寒令氣逆體痛嘔逆者榮中寒也經曰脉盛身寒得之傷寒脉陰陽俱緊者

知其傷寒也

傷寒一日太陽受之脉若靜者為不傳頗欲吐

若燥煩脉數急者為傳也

太陽主表一日則太陽受邪至二日當傳陽明若脉氣微

而不傳陽明胃經受邪則喜吐寒邪傳裏者則變熱如頗欲吐若煩燥脉急數者為太陽寒邪變熱傳於陽明

也傷寒二三日陽明少陽證不見者為不傳也

傷寒二三日無

陽明少陽證知邪不傳止在太陽經中也

太陽病發熱而渴不惡寒者為溫

病

發熱而渴不惡寒者陽明也此太陽受邪知為溫病非傷寒也積溫成熱所以發熱而渴不惡寒也

若發

汗已身灼熱者名曰風溫風溫為病脉陰陽俱浮自汗

出身重多眠睡鼻息必鼾語言難出若被下者小便不

利直視失溲若被火者微發黃色劇則如驚癇時瘰癧

若火熏之一逆尚引日再逆促命期

傷寒發汗已則身涼若發汗已身灼

熱者非傷寒為風溫也風傷於上而陽受風氣風與溫相合則傷衛脉陰陽俱浮自汗出者衛受邪也衛者氣也風則傷衛溫則傷氣身重多眠睡者衛受風溫而氣昏也鼻息必鼾語言難出者風溫外甚而氣擁不利也若被下者則傷藏氣太陽膀胱經也內經曰膀胱不利為癰不約為遺溺癰者小便不利也太陽之脉起自內皆內經曰瞳子高者太陽不足戴眼者太陽已絕小便不利直視失溲為下後竭津液損藏氣風溫外勝經曰欲絕也為難治若被火者則火助風溫成熱微者熱瘰而發黃劇者熱甚生風如驚癇而時瘰癧也先曾被火為一逆若更以火熏之是再逆也一逆尚猶延病有發引時日而不愈其再逆者必致危殆故云促命期

熱惡寒者發於陽也無熱惡寒者發於陰也發於陽者

七日愈發於陰者六日愈以陽數七陰數六故也

陽為熱也

陰為寒也發熱而惡寒寒傷陽也無熱而惡寒寒傷陰也陽法火陰法水

火成數七水成數六陽病七日愈者

火數足也陰病六日愈者水數足也

太陽病頭痛至七日已上自愈者以

行其經盡故也若欲作再經者鍼足陽明使經不傳則

愈

傷寒自一日至六日傳三陽三陰經盡至七日當愈經曰七日太陽病衰頭痛少愈若七日不愈則太陽

之邪再傳陽明針足陽明為迎而奪之使經不傳則愈

太陽病欲解時從巳至未

上

巳為正陽則陽氣得以復也始於太陽終於厥陰六經各以三時為解而太陽從亥至丑少陰從子至寅

厥陰從丑至卯者以陽行也速陰行也緩陽生於晝陰生於夜陽三經解時從寅至戌以陽道常饒也陰三經解時從亥至卯以陰道常乏也內經曰陽中風家表解之太陽通於夏氣則巳午未太陽乘主也

風家表解

而不了了者十二日愈

中風家發汗解後未全快暢者十二日大邪皆去六經悉和則

愈病人身大熱反欲得近衣者熱在皮膚寒在骨髓也

身大寒反不欲近衣者寒在皮膚熱在骨髓也

皮膚言淺骨髓

言深皮膚言外骨髓言內身熱欲得衣者表熱裏寒也身寒不欲衣者表寒裏熱也

太陽中風陽

浮而陰弱陽浮者熱自發陰弱者汗自出嗇嗇惡寒淅

淅惡風翕翕發熱鼻鳴乾嘔者桂枝湯主之

陽以候衛陰以候榮

陽脉浮者衛中風也陰脉弱者榮氣弱也風并於衛則衛實而榮虛故發熱汗自出也經曰太陽病發熱汗出者此為榮弱衛強者是也嗇嗇者不足也惡寒之貌也浙者洒淅也惡風之貌也衛虛則惡風榮虛則惡寒榮弱衛強惡寒復惡風者以自汗出則皮膚緩腠理疎是亦惡風也翕翕者煇煇然而熱也若合羽所覆言熱在表也鼻鳴乾嘔者風擁而氣逆也與桂枝湯和榮衛而散風邪也

### 桂枝湯方

桂枝

三兩 去皮 味辛熱

芍藥

三兩 味苦 酸微寒

甘草

二兩 炙 味甘平

生薑

三兩 切 味辛溫

大棗

十二枚 擘 味甘溫

內經曰辛甘發散為陽桂枝湯辛甘之劑也所以發散風邪內經曰風淫所勝平以辛佐以苦甘以甘緩

之以酸收之是以桂枝為主芍藥甘草為佐也內經曰風淫於內以甘緩之以辛散之是以生薑大棗為使也

右五味㕮咀以水七升微火煮取三升去滓適寒溫服一升服已須臾歔熱稀粥一升餘以助藥力溫覆令一時許遍身漿漿微似有汗者益佳不可令如水流漓病必不除若一服汗出病差停後服不必盡劑若不汗更服依前法又不汗後服小促役其間半日許令三服盡若病重者一日一夜服周時觀之服一



劑盡病證猶在者更作服若汗不出者乃服至二三劑禁生冷粘滑肉麵五辛酒酪臭惡等物

太陽病頭痛發熱汗出惡風者桂枝湯主之

頭痛者太陽也發熱

汗出惡風者中風也與桂枝湯解散風邪

太陽病項背強几几反汗出惡風

者桂枝加葛根湯主之

几几者伸頸之貌也動則伸頸搖身而行項背強者動則如之

項背几几者當無汗反汗出惡風者中風表虛也與桂枝湯以和表加麻黃葛根以祛風且麻黃主表實後葛

根湯證云太陽病項背強几几無汗惡風葛根湯主之藥味正與此方同其無汗者常用麻黃今曰汗出恐不

加麻黃但加葛根也

太陽病下之後其氣上衝者可與桂枝湯方

用前法若不上衝者不可與之

太陽病屬表而反下之則虛其裏邪欲乘虛傳

裏若氣上衝者裏不受邪而氣逆上與邪爭也則邪仍在表故當復與桂枝湯解外其氣不上衝者裏虛不能與邪爭邪氣已傳裏也故不可更與桂枝湯攻表 太陽病三日已發汗若吐若

下若溫針仍不解者此為壞病桂枝不中與也觀其脉

證知犯何逆隨證治之

太陽病三日中曾經發汗吐下溫針虛其正氣病仍不解者謂

之壞病言為醫所壞病也不可復與桂枝湯審觀脉證知犯何逆而治之逆者隨所逆而救之 桂枝本

為解肌若其人脉浮緊發熱汗不出者不可與也常須

識此勿令誤也

脉浮發熱汗出惡風者中風也可與桂枝湯解肌脉浮緊發熱汗不出者傷寒

也可與麻黃湯常須識此勿妄治也

若酒客病不可與桂枝湯得湯則嘔

以酒客不喜甘故也

酒客內熱喜辛而惡甘桂枝湯甘酒客得之則中滿而嘔

喘家

作桂枝湯加厚朴杏子仁

太陽病為諸陽主氣風甚氣擁則生喘也與桂枝湯以散

風加厚朴杏子仁以降氣

凡服桂枝湯吐者其後必吐膿血也

內熱者服

桂枝湯則吐如酒客之類也既亡津液又為熱所搏其後必吐膿血吐膿血謂之肺痿金匱要畧曰熱在上焦

為肺痿謂或從汗或從嘔吐重亡津液故得之

太陽病發汗遂漏不止其人惡

風小便難四支微急難以屈伸者桂枝加附子湯主之

太陽病因發汗遂汗漏不止而惡風者為陽氣不足因發汗陽氣益虛而皮腠不固也內經曰膀胱者州都之

官津液藏焉氣化則出小便難者汗出亡津液陽氣虛弱不能施化四肢者諸陽之本也四肢微急難以屈伸者亡陽而脫液也針經曰液脫者骨屬屈伸不利與桂枝加附子湯以溫經復陽

太陽病下之

後脉促胃滿者桂枝去芍藥湯主之若微惡寒者去芍

藥方中加附子湯主之

脉來數時一止復來者名曰促促為陽盛則不因下後而脉促

者也此下後脉促不得為陽盛也太陽病下之其脉促不結胃者此為欲解此下後脉促而復胃滿則不得為欲解由下後陽虛表邪漸入而客於胃中也與桂枝湯以散客邪通行陽氣芍藥益陰陽虛者非所宜故去之陽氣已虛若更加之微惡寒則必當溫劑以散之故加附子

太陽病得之八九日如

瘧狀發熱惡寒熱多寒少其人不嘔清便欲自可一日

二三度發脉微緩者為欲愈也脉微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必痒宜桂枝麻黃各半湯傷寒八九日則邪傳再經又過三陽欲傳三陰之時也傳經次第前三日傳遍三陽至四日陽去入陰不入陰者為欲解其傳陰經第六日傳遍三陰為傳經盡而當解其不解傳為再經者至九日又遍三陽陽不傳陰則解如瘧發作有時也寒多者為病進熱多者為病退經曰厥少熱多其病為愈寒多熱少陽氣退故為進也今雖發熱惡寒而熱多寒少為陽氣進而邪氣少也裏不和者嘔而利今不嘔清便自調者裏和也寒熱間日發者邪氣深也日一發者邪氣復常也日再發者邪氣淺也日二三發者邪氣微也內經曰大則邪至小則平言

邪甚則脉大邪少則脉微今日數多而脉微緩者是邪氣微緩也故云欲愈脉微而惡寒者表裏俱虛也陽表也陰裏也脉微為裏虛惡寒為表虛以表裏俱虛故不可更發汗更下更吐也陰陽俱虛則面色青白反有熱色者表未解也熱色為赤色也得小汗則和不得汗則邪氣外散皮膚而為痒也與桂枝麻黃各半湯小發其汗以除表邪

太陽病初服桂枝湯反煩不解者先刺風池風府却與桂枝湯則愈

煩者熱也服桂枝湯後當汗出而身涼和若反煩不解者風甚而未

能散也先刺風池風府以通太陽之經而泄風氣却與桂枝湯解散則愈服桂枝湯大汗出

脉洪大者與桂枝湯如前法若形如瘡日再發者汗出

必解宜桂枝二麻黃一湯

經曰如服一劑病證猶在者故當復作本湯服之服桂枝

湯汗出後脉洪大者病猶在也若形如瘡日再發者邪氣客於榮衛之間也與桂枝二麻黃一湯解散榮衛之邪服桂枝湯大汗出後大煩渴不解脉洪大者白虎加

人參湯主之

大汗出脉洪大而不渴邪氣猶在表也可更與桂枝湯若大汗出脉洪大而煩渴不

解者表裏有熱不可更與桂枝湯可與白虎加人參湯生津止渴和表散熱太陽病發熱惡

寒熱多寒少脉微弱者此無陽也不可發汗宜桂枝二

越婢一湯方

桂枝二越婢一湯方

桂枝

去皮

芍藥

甘草

各十銖

生薑

一兩三錢

大棗

四枚

麻黃

十八銖  
去節

石膏

二十四銖  
碎綿裹

胃為十二經之主脾治水穀為卑藏若婢內經曰脾主為胃行其津液是湯所以謂之越婢者以發越脾氣通行津液外臺方一名越脾湯即此義也

右七味咬咀以五升水煮麻黃一二沸去上沫內諸藥煮取二升去滓溫服一升本方當裁為越婢湯桂枝湯合飲一升今合為一方桂枝二越婢一

服桂枝湯或下之仍頭項強痛翕翕發熱無汗心下滿微痛小便不利者桂枝去桂加茯苓白朮湯主之

頭項強痛



翕翕發熱雖經汗下為邪氣仍在表也心下滿微痛小便利者則欲成結胃今外證未罷無汗小便不利則心下滿微痛為傳飲也與桂枝湯以傷寒脉浮自汗出小解外加茯苓白朮利小便行留飲傷寒脉浮自汗出小便數心煩微惡寒脚攣急反與桂枝湯欲攻其表此誤也得之便厥咽中乾煩燥吐逆者作甘草乾薑湯與之以復其陽若厥愈足溫者更作芍藥甘草湯與之其脚即伸若胃氣不和譫語者少與調胃承氣湯若重發汗復加燒鍼者四逆湯主之

脉浮自汗出小便數而惡寒者陽氣不足也心煩脚攣急

者陰氣不足也陰陽血氣俱虛則不可發汗若與桂枝湯攻表則又損陽氣故為誤也得之便厥咽中乾煩燥

吐逆者先作甘草乾薑湯復其陽氣得厥愈足溫乃與芍藥甘草湯益其陰血則脚脛得伸陰陽雖復其有胃燥識語少與調胃承氣湯微瀉以和其胃重發汗為亡陽加燒鍼則損陰內經曰榮氣微者加燒鍼則血不流行重發汗復燒鍼是陰陽之氣大虛四逆湯以復陰陽之氣

### 甘草乾薑湯方

甘草

四兩炙  
味甘平

乾薑

二兩炮  
味辛熱

內經曰辛甘發散為陽甘草乾薑相合以復陽氣

右㕮咀以水三升煮取一升五合去滓分溫再服

### 芍藥甘草湯方

白芍藥

四兩苦酸微寒

甘草

四兩炙甘平

芍藥白補而赤瀉白收而赤散也酸以收之甘以緩之酸甘相合用補陰血

右二味㕮咀以水三升煮取一升半去滓分溫再服之

調胃承氣湯方

大黃

四兩去皮清酒浸

甘草

二兩炙味甘平

芒硝

半升味鹹苦大寒

內經曰熱淫於內治以鹹寒佐以苦甘芒硝鹹寒以除熱大黃苦寒以瀉實甘草甘平助二物推陳而緩中

右三味㕮咀以水三升煮取一升去滓內芒硝更上

火微煮令沸少少溫服之

四逆湯方

甘草

二兩炙味甘平

乾薑

一兩半味辛熱

附子

一枚生用去皮破八片辛大熱

內經曰寒淫於內治以甘熱又曰寒淫所勝平以辛熱甘草薑附相合為甘辛大熱之劑乃可發散陰陽之氣

右三味咬咀以水三升煮取一升二合去滓分溫再服強人可大附子一枚乾薑三兩

問曰證象陽旦按法治之而增劇厥逆咽中乾兩脰拘

急而譟語師曰至夜半手足當溫兩脚當伸後如師言  
何以知此答曰寸口脉浮而大浮則為風大則為虛風  
則生微熱虛則兩脛攣病證象桂枝因加附子參其間  
增桂令汗出附子溫經亡陽故也厥逆咽中乾煩燥陽  
明內結譟語煩亂更飲甘草乾薑湯夜半陽氣還兩足  
當熱脛尚微拘急重與芍藥甘草湯爾乃脛伸以承氣  
湯微溲則止其譟語故知病可愈

陽旦桂枝湯別名也前證脉微自汗

出小便數心煩微惡寒脚攣急與桂枝湯證相似是證象陽旦也與桂枝湯而增劇得寸口脉浮大浮為風邪

大為血虛即於桂枝湯加附子溫經以補虛增桂令汗  
出以祛風其有治之之逆而增厥者與甘草乾薑湯陽  
復而足溫更與芍藥甘草湯陰和而脛伸表邪已解陰  
陽已復而有陽明內結譫語煩亂少與調胃承氣湯微  
瀉泄以和其胃則陰陽之氣皆  
和內外之邪悉去故知病可愈

### 釋音

清涼

上七切

疫

役音

忿

字勸切

疹

之忍切

瘡

泄

上音

孫

顚

信音

瘰

瘰

音皆

顚

上音

拙

面骨也

逮

音代

砭

悲廉切

熯

如劣切

中

病

上音

之長

音

嗑

音益

沓

徒合切

俱見

音

噓

丁計切

瘰

音抽

愈

也

痼

音

迄

許訖切

狹

上音

殞

羽粉切

晬

祖對切

痼

也

痼

痼

羽軌切

膺

於陵切  
胷也

肭

音偶又音虞  
肩前也

瘥

充至切  
惡也一曰風病

喝

音謁  
暑也傷

瘥

巨井切  
強急也

几

音殊短羽鳥飛几也

攣

力全切

內藥

上音納

晡

布胡切

洒

蘇狼切  
驚貌

惡寒

上烏路切

怫

音鼻佛息也

瘥

音隆

淅

思歷切

燄

許酷切

也切熱

歔

昌悅切

𦵏

直立切  
汗出貌

脰

胡定切

傷寒論注釋卷二